



Renobacion di herencia fisico ta preserva cultura y ta scapa placa



Pagina 2

- **ARA ta presenta recomendacion cla pa corigir deficiencia den supervision di presupuesto**

Pagina 3

- **AAA a registra aumento den pasahero, entrada y inversion durante 2025**

Pagina 4

- **Voorjaarsnota 2026 entrega na Parlamento**

Pagina 6

Parlamentario Shailiny Tromp-Lee
(MEP):

Parlamento ainda ta en espera di
transparencia real y prueba di pago di
minister Gerlien Croes



Pagina 6

Gobierno Hulandes ta anuncia
compensacion di €100 milyon pa
prohibicion di klapchi



Pagina 9

Colombia: Cuatro minero morto den
explosion na mina di carbon



Pagina 10

Mester kita e mito cu restauracion ta mas caro cu djis basha abao y traha di nobo

Renobacion di herencia fisico ta preserva cultura y ta scapa placa

Renoba semper ta miho y mas barata cu basha abao y traha di nobo, sigur si ta trata di edificio of cas mas cu 50 aña. Asina Daphne Every, arkitekto y consehero di Monumento a enfatisa durante un lectura na Universidad di Aruba.

Daphne Every, MSc tabata encarga cu e proyecto di restauracion di Cas Veneranda, pero su conocimiento ta bay mucho mas leu cu esey. Graduado di UNC y UPenn, como estudiante ya caba a gana e premio prestigioso Merrit Award di parti di the American Society of Landscape Architecture. Entre otro esey a habri porta pa e Arubiano por a traha cu e compania Disney pa diseña hotelnan luhoso. Every a bolbe Aruba na 2008, unda el a transiciona pa arkitektura restaurativo y a bira e experto local riba preservacion di herencia.

Ta den cuadro di su proximo proyecto, restauracion di edificionan di Juliana School y Beatrix School cu el a habri porta pa un estudiante di Universidad, Jennifer Wever por a haci su pasantia. Un pasantia cu a habri wowo di e graduado di 'Bouwkunde' di EPI cu ta cla pa drenta su ultimo aña di Organization, Governance and Management na e Facultad di Arte y Ciencia, FAS, di Universidad di Aruba. Wever a completa su pasantia cu un presentacion cu tabata considera di importancia pa henter comunidad.

E lectura, organisa pa Center of Lifelong Learning di Universidad Aruba tabatin como tema Arkitektura y Herencia di Aruba, cu ta un profundisacion pa explora e evolucion di e identidad structural unico di Aruba, for di e tradicional casnan di cunucu te na otro construccion colonial Hulandes. Ademas di duna un historia breve di e construccionnan aki, e sesion a enfoca riba e nificacion cultural di e herencia structural di Aruba, cu por keda cataloga como e alma fisico di e memoria colectivo di Aruba.

Un aspecto importante di e lectura tabata pa deconstrui e mitonan social persistente y concepto erroneo cu hopi biaha ta stroba esfuersonan di conservacion. Tambe a mishi e ideanan robes y comun riba e complehidad entre propiedad priva y publico, y e pens-



amento comun na Aruba cu restaura un monumento ta un peso financiero insuperable. Tin fondonan barata cu Hulanda a pone disponible pa restauracion, y aunke esakinan ta pa proyectonan comercial, tin movecionnan pa yuda individuo y famianan den restauracion di cas tradicional di Aruba.

Jennifer Wever semper tabatin interes den creacion. Despues di EPI el a bay Hulanda pa studia International Spatial Development. Asina mes, e mes no tabata asina consciente di e balor y bunitesa di e edificionan, casnan bieu di Aruba, cu hopi biaha ta para bandona. E pasantia a trece un cambio den esey. Pa tal motibo mes el a titula su presentacion 'Con un pasantia a cambia con mi ta mira preservacion di herencia.'

"Mi futuro ta mara na dje awor," Wever a bisa. Pero pa por sigura un futuro, mester di informacion y un di e problemanan ta cu data riba e casnan y edificionan bieu ta scars y ta parti tur caminda. "Ami a yama esaki islanan di informacion, cu a pone mi realisa cu locual nos sa di nos herencia ta incompleto." Pero di otro banda, Wever a bisa cu el a keda sorprendi pa locual e por a descubri. Su periodo na EPI tabata dirigi riba funcionalidad y eficiencia, cu hopi biaha tabata muestra cu e tabata "miho pa cuminsa di nobo. Pero analisando monumentonan mi a keda fascina pa e cantidad di detaye cu a bay den e edificionan bieu."

Detayenan cu ta ilustra un entendimiento profundo di e clima Arubiano. E edificio di Juliana School por ehempel tabata diseña cu e medio ambiente den mente, con pa anda cu yobida. E realisacion aki a muestra Wever e balor



di preservacion di herencia pa asina no solamente cuida edificionan mes, pero tambe incorpora e conocementonan aki den futuro proyectonan, particularmente pa e aspectonan innovativo y sostenible di e edificionan 'bieu.'

Pasion

Pa Daphny Every, preservacion di e herencia structural di Aruba ta mas cu un trabao, e ta su pasion. Every a repasa kico ta arkitektura, cu banda di diseña y finalmente construccion ta parti di cultura. "Nan ta simbolonan di



to, e mester tin por lo menos 50 aña, mester ta preferiblemente intacto pa loke ta su aspecto original.

Y aki ta unda Every a muestra riba ideanan robes cu ta existi ora di pensa riba restauracion. Por trece cambio den e edificio monumental, basta cu cumpli cu reglanan, por ehempel cu e fachada pa bista di caya ta keda esun original. Hasta por cambia color. Pa no papia mes di e interior, pasobra no tur ora e funcion ta keda mescos. Mas ainda no ta posibel semper pa haya e material cu a usa antes. "Pues mester por ta flexible y busca alternativa sin cu e ta kita di e originalidad, pa preserva esencia di e estructura." Esey a sosode tambe cu Cas Veneranda, cu a keda restaura cu tur e necesidatnan moderno, mas ainda cumpliendo cu sostenibilidad y eficiencia.

E mito cu e edificionan aki ta costa mas pa restaura cu simplemente basha abao mester caba, Every a enfatisa. Murayan di antes tabata mas diki cu ta yuda cu control di temperatura, nan ubicacion y diseña di entre otro bentana ta yuda pa tene e edificionan y casnan aki hopi fresco, y e material cu por scapa ta di miho calidad cu awor. Ademas, antes tabata usa calki (lime) pa pleister y no cement. No solamente calki ta miho, segun Every, e ta miho pa medio ambiente tambe ya cu e ta absorba CO2.

Daphne Every a muestra tambe riba e posibilidadnan pa negoshinan haya acceso na fondonan barata cu tin disponible pa restauracion y cu tin esfuersonan di parti di Gobierno di Aruba pa yuda famianan rond Aruba den preserva nan casnan. Es mas, pronto lo cuminsa cu identificacion di dos monumento pa cada distrito cu ta bay ta restaura pa asina preserva e caracter di e area pero tambe stimula individuonan haci mescos.

E presentacion den Aula di Universidad di Aruba tabata bon atendi, algo cu e presentadornan a keda contento cune, pasobra e ta ilustra interes pa e tema cu por yuda den cambio di e percepcion cu restauracion di herencia arkitectonico di Aruba ta algo hopi importante y realisabel pa Aruba.

arte y historia. No mester di bishita museo pa mira nan. Por pasa banda di nan, of hasta biba den nan. Y arkitektura historico ta e miho representacion di un diseña cu ta resultado di e luga unda e ta ubica, cu ta nifica cu e ta capta e spirito di e luga." Den otro palabra, e ta encapsula historia, paisahe di un pais, y esey ta conta pa Aruba tambe.

No tur edificio bieu ta monumento, sinembargo. Modernizacion ta di tur tempo. Como tal, pa un edificio por ta designa como monumen-

ARA ta presenta recomendacion cla pa corigir deficiencia den supervision di presupuesto

Den su rapport di investigacion nobo, Algemene Rekenkamer Aruba (ARA) a critica e maneho y supervision di e fondonan di presupuesto di Aruba (begrotingsfondsen). Segun e rapport, e sistema actual no ta ofrece suficiente garantia pa un uso legal, transparente y responsabel di fondo publico. ARA ta conclui cu deficiencianan structural den gobernacion, supervision, presupuesto y responsabilisacion a crea un situacion unda grandi cantidad di recurso financiero ta move fuera di control efectivo di Parlamento.

E investigacion a enfoca riba e pregunta si e fondonan di presupuesto ta ofrece proteccion suficiente pa maneho financiero sano y si e autoridad presupuestario di Parlamento ta ser proteha den practica. E fondonan aki ta ser usa pa mantene recurso publico disponible pa varios aña pa obhetivonan specifico di politica.

Segun ARA, e instrumento en si por tin balor. Teoricamente, e por contribui na continuidad di financiamiento, flexibilidad den implementacion di politica y uso mas dirigi di recurso. Pero den practica, implementacion di e fondonan ta desvia significativamente di e meta original.

E organo di supervision ta conclui cu gobernacion inadecua, supervision deficiente y responsabilisacion insuficiente a debilita control administrativo riba e fondonan. Un di e problemanan principal, segun e rapport, ta cu hopi biaha no ta cumpli cu e marco legal existente.

Hopi presupuesto no ta ser adopta na tempo of ta falta completamente. Den algun caso, presupuesto ta ser aproba retroactivamente despues cu gasto a ser haci caba. Responsabilisacion na Parlamento tambe hopi biaha no ta tuma lugar. Como resultado, no tin suficiente bista riba e tamaño y gasto di recurso publico canalisa via e fondonan.

Segun ARA, Parlamento falta informacion completo, confiable y na tempo pa eherce su funcion di supervision. Consecuentemente, e autoridad presupuestario di e Estado ta bin bao di presion y fluho financiero substancial

ta cay fuera di bista di representante eligi.

Un otro punto importante di critica ta e falta di un cuadro general y coherente pa maneho di e fondonan di presupuesto. Segun e rapport, no tin criterio cla pa establece, estructura, evalua of disolvi fondonan. Tambe falta regla uniforme pa e procesamiento financiero di e relacion entre e fondonan y pais Aruba.


Debi na falta di guia uniforme, e structuranan di gobernacion ta varia hopi entre diferente fondo. Rol, responsabilidad y supervision no ta defini claramente, loke ta crea confusion tocante ken ta responsabel pa maneho, control y responsabilisacion. ARA ta adverti cu control y balans efectivo ta falta como resultado.

Adicionalmente, ARA ta indica cu hopi fondo ta opera sin obhetivonan concreto y midibel. Aunke metanan general ta defini legalmente, den practica nan no ta converti den criterio of indicadornan cu por ser evalua. Esey ta haci'e dificil pa determina si un proyecto realmente ta contribui na e meta di politica cu a ser proponi.

E investigacion tambe a revela cu den varios caso, tumentamento di decision no ta suficientemente documenta. Como resultado, no por verifica te ki grado proyecto ta cuadra cu e obhetivonan di e fondo. Segun ARA, esaki ta limita tanto control administrativo como supervision riba gasto di recurso.

E rapport ta reconoce cu eficiencia y flexibilidad hopi biaha ta ser menciona como argumento pa uso di fondonan di presupuesto. Sinembargo, ARA ta enfatisa cu eficiencia nunca mester bay na costo di transparencia, supervision y control parlamentario. Precisamente pasobra e fondonan aki ta opera fuera di e estructura presupuestario regular, nan mester proteccion adicional pa preveni abuso y gasto ineficiente.

Den varios caso, desviacion di regla regular di presupuesto y responsabilisacion tabata ser hustifica cu apelacion riba eficiencia, mientras cu supervision tabata insuficiente y presupuesto tabata falta. Segun e rapport, esaki ta conduci na decisionnan cu ta ser tuma sin suficiente mecanismo di control.



Un ehempel menciona ta e Fondo pa Mehoracion di Producto di Turismo. Corte di Control ta indica cu pa varios aña gasto a ser haci for di e fondo sin autorisacion presupuestario previo. Tambe, rekisito legal pa reportahe y responsabilisacion no tabata ser cumpli consistentemente.

E rapport ta muestra tambe un contraste notable entre fondonan financia pa Hulanda of Union Europeo y e fondonan local. Pa financiamiento externo, rekisito di responsabilisacion ta hopi mas estricto y generalmente ta ser cumpli. Sinembargo, e reportahenan corespondiente no ta ser entrega sistematicamente na Parlamento.

Segun ARA, responsabilisacion na Parlamento ta keda obligatorio, ainda ora cu recurso no ta origina directamente for di Presupuesto Nacional. Na final, e fondonan di presupuesto ta instrumento oficial di politica publico y pues mester keda bou di supervision parlamentario.

E investigacion ta identifica tambe problema cu fondonan inactivo cu oficialmente ta sigui existi sin actividad relaciona cu politica. Algun fondo ta persisti pa hopi aña sin evaluacion of disolucion formal. Segun e rapport, esaki ta parcialmente resultado di transferencia inadecua durante cambio di gabinete y falta di claridad riba responsabilidad.

ARA ta adverti cu e situacion aki ta crea riesgo pa continuidad, transparencia y maneho di recurso publico. Likidacion administrativo di fondonan sin disolucion legal formal por ta contrario na e marco legal.

Un otro preocupacion importante ta e falta di un panorama financiero completo. Registran incompleto y inconsistente ta haci imposibel pa obtene un imagen confiable di posicion financiero di Pais Aruba y di e riesgonan

financiero existente.

Como resultado, Corte di Control ta conclui cu e fondonan di presupuesto actualmente no ta funciona mas como instrumento pa sostene maneho financiero sano, sino cu nan por forma un riesgo pa transparencia, legalidad y control administrativo. Segun e rapport, e fondonan solamente tin balor agrega ora nan ta opera bou di condicionnan cla y ehecutable.

Pa motibo ey, ARA a formula varios recomendacion na gobierno y Parlamento. E recomendacion principal ta pa desaroya un solo cuadro formal y coherente pa tur fondo di presupuesto. E cuadro aki mester inclui criterio cla pa establecimiento, estructura, maneho, supervision, evaluacion y disolucion di fondonan.

Segun ARA, e cuadro mester clarifica ki ora uso di un fondo di presupuesto ta hustifica y cual condicionnan ta necesario pa garantiza transparencia y control administrativo. Tambe mester evalua e politica periodicamente den consulta cu Parlamento.

Ademas, ARA ta recomenda pa fortalece gobernacion y maneho di cada fondo. Mester defini explicitamente ken ta responsabel pa politica, implementacion, supervision y responsabilisacion pa preveni confusion den rol y responsabilidad.

E organo di supervision ta insisti tambe riba cumplimiento estricto di e marco legal, incluyendo adopcion na tempo di presupuesto y cuenta anual. Gastonan sin autorisacion presupuestario previo, segun e rapport, no mester ser permiti.

Tambe ARA ta recomenda pa haci obhetivonan di e fondonan mas concreto y midibel. Sub-obhetivo, indicadornan y criterio di evaluacion mester ser defini claramente pa por determina si recurso publico realmente ta contri-

bui na e meta di politica.

Pa loke ta trata fondonan inactivo, ARA ta boga pa disolucion formal y legal di e fondo nan. Pa haci esey, mester tin aprobacion previo di Parlamento.

Na Parlamento, ARA ta recomienda pa aplica su autoridad presupuestario mas estrictamente. Presupuesto no mester ser aproba retroactivamente y consecuencia concreto mester sigui ora obligacionnan legal di reportahe no ser cumpli.

Parlamento tambe mester exige evaluacionnan mas frecuente di eficiencia y efectividad di fondonan existente. Ora un fondo a logra su meta, ta inactivo pa un tempo largo of no ta ofrece suficiente balor agrega, continuacion di e fondo mester ser reconsidera criticamente.

Den e rapport, ARA ta referi tambe na e proposicion pa establece un Fondo General di Inversion y Desaroyo. Segun e organo di supervision, Aruba mester evita cu deficiencianan di pasado ta ripiti den e fondo nobo.

P'esey ARA ta enfatisa cu ta importante pa establece desde principio criterio cla, un estructura di gobernacion transparente, maneho financiero sano y mecanismo fuerte di responsabilisacion. Tambe mester tin claridad riba con inversionnan ta relaciona cu presupuesto nacional y con supervision y reportahe lo ser organisa.

Finalmente, ARA ta conclui cu Aruba ta dilanti un escogencia fundamental. Fondonan di presupuesto solamente por funciona como instrumento util di politica ora nan ta compaña pa regla cla, supervision robusto y transparencia completo. Sin e condicionnan aki, nan ta representa un riesgo structural pa gobernacion financiero sano.

AAA a registra aumento den pasahero, entrada y inversion durante 2025

Aruba Airport Authority (AAA) a registra un crecimiento financiero constante na 2025 segun cu e trafico di pasahero a sigui subi y actividad comercial a expande den henter Aeropuerto Internacional Reina Beatrix, segun e organizacion su Rapport Anual 2025. E operador di aeropuerto tambe a avansa trabaonan grandi di infraestructura bao di e programa Gateway 2030 di modernisacion, maneho di personal operacional y maneho di gastonan di financiamiento mara na proyectonan di expansion y aumento di actividad di aeropuerto.

E resultadonan financiero delinea den e rapport ta reflecciona un aña forma pa demanda sosteni di pasahero, inversionnan creciente den infraestructura di aeropuerto y ahuste operacional necesario pa sostene crecimiento den futuro. E rapport tambe a subraya e lansamento operacional di Fase 1A di e proyecto Gateway 2030 y preparacionnan pa e siguiente fase di expansion di aeropuerto.

Gastonan di pasahero a aumenta cu Afl. 8 miyon na 2025, representando un crecimiento di 5.3% compara cu e aña anterior. AAA a atribui e aumento principalmente na volumen di pasahero mas halto y un ahuste di 1% di indice di prijs di consumidor aplica na tarificanan aeronautico cuminsando 1 di januari 2025.

E aeropuerto a maneha 84.116 pasahero mas cu a genera entrada compara cu 2024, generando aproximadamente Afl. 7 miyon na entrada di gastonan di pasahero adicional. E ahuste di CPI a conta pa un otro aumento calcula di Afl. 1 miyon.

Ocupacion promedio di avion tambe a mehora un poco. E promedio di e factor di carga a subi di 85.5% na 2024 pa 86.7% na 2025, reflejando e demanda continuo fuerte di biahe pa Aruba.

Entrada relaciona cu avion tambe a aumenta durante aña. E gastonan di avion a subi cu Afl. 0.8 miyon, of 10%, compara cu 2024. AAA a splica cu e aumento tabata mara na e uso di avionnan mas grandi cu ta opera den categorianan di peso maximo di despegue mas halto. Tarificanan relacio-



na cu avion tambe a aumenta cu 1%.

Operacion di base fiho di e aeropuerto a genera Afl. 2.5 miyon na gastonan di maneho di tera y otro gastonan, compara cu Afl. 2.4 miyon na 2024. E rapport tambe a señala cu e gastonan di incentivo aereo a baha cu Afl. 0.3 miyon durante aña.

Entradanan comercial for di operacionnan di benta y cuminda y bebida a sigui fortalece. Entrada di concesion di cuminda y bebida a subi cu Afl. 2.1 miyon, representando un crecimiento di 39.2% compara cu e aña anterior. Entrada di concesion minorista a subi cu Afl. 0.8 miyon, of 5.1%.

Entrada promedio di concesion di benta pa pasahero a keda relativamente stabiel na Afl. 9.63 miyon, compara cu Afl. 9.64 na 2024. Entrada di concesion di cuminda y bebida pa pasahero a aumenta mas significativamente, subiendo di Afl. 3.36 pa Afl. 4.45.

Actividadnan comercial relaciona cu combustible tambe a contribui na crecimiento di entrada. E entrada di combustible di jet na e operacion di base fiho di e aeropuerto a suma Afl. 1.7 miyon, un aumento di Afl. 0.3 miyon compara cu e aña anterior. Entrada di concesion di rindimento di combustible tambe a aumenta un poco.

Entrada di huur a baha cu Afl. 0.7 miyon durante aña. Di acuerdo cu e rapport, e bahada tabata principalmente mara na cambionan contractual introduci na 2024 cu ta encera un concesionario grandi, cu a cambia parti di e entrada cu anteriormente tabata categorisa como huur den entrada di concesion.

Reembolso di servicio, incluyendo gastonan di utilidad

y telefon cobra bek na inquilino y concesionarianan di aeropuerto, a suma Afl. 1.4 miyon na 2025, un aumento di Afl. 0.1 miyon. Entrada di parkeer auto a keda stabiel na mas o menos Afl. 1.5 miyon.

Den e parti di gasto, e operador di aeropuerto a enfrenta gastonan mas halto den varios categorianan operacional segun cu actividad di aeropuerto a aumenta y facilidadnan nobo a drenta servicio.

Gastonan di personal a aumenta cu Afl. 5.7 miyon, of 14.9%, compara cu 2024. E forza laboral di e aeropuerto a crece di 256 empleado na fin di 2024 pa 287 empleado na fin di 2025, loke a resulta den aproximadamente Afl. 3 miyon na gastonan adicional di pensioen y seguro social.

AAA tambe a informa gastonan di overtime mas halto liga na operacionnan expandi y e implementacion di e sistema nobo di maneho di maleta. Gastonan di overtime a subi cu Afl. 0.6 miyon durante aña.

Gastonan relaciona cu bonus a aumenta cu Afl. 1.6 miyon, principalmente pa motibo di un bonus di gratificacion adicional excepcional di un luna cu a ser duna na personal. Otro gastonan relaciona cu personal tambe a subi cu mas o menos Afl. 0.4 miyon, incluyendo cobertura medico mas halto y gastonan di uniform.

E gastonan di utilidad a aumenta cu Afl. 1.1 miyon, of 7.1%, durante 2025. E aeropuerto a atribui e aumento pa gran parti na un consumo di coriente mas halto asocia cu e sala nobo di Merca y e edificio di maneho di maleta desaroja bao di Gateway 2030 Fase 1A.

E rekisitonan di sistema di aircor pa e facilidadnan ex-

pandi a conta pa aproximadamente Afl. 0.7 miyon na gastonan di coriente adicional. E gastonan di awa a subi cu Afl. 0.3 miyon, mientras cu e gastonan di limpieza outsource tambe a subi modestamente.

Gastonan administrativo y di mercadeo a subi cu Afl. 1.2 miyon, esta 17.2%. E rapport a conecta e aumento na gastonan di biahe y training mas halto, aumento di gastonan di seguro, impuesto di cambio y gastonan legal.

Gastonan operacional a registra un di e aumentonan mas grandi entre categorianan di gasto. E gastonan aki a subi cu Afl. 7.1 miyon, of 21.2%, compara cu e aña anterior.

AAA a splica cu servicionan contrata a aumenta cu Afl. 2.9 miyon debi na rekisitonan di personal outsource, incluyendo servicionan di embahador, assistentnan di trafico y personal di sosten necesario pa acomoda e volumen creciente di pasahero. Gastonan di consultoria relaciona cu e implementacion di un strategia di mantencion a largo plaso tambe a contribui na gastonan operacional mas halto.

Gastonan di mantencion a aumenta cu Afl. 3 miyon segun cu aeropuerto a intensifica trabaonan riba sistemanan di proteccion contra candela, sistemanan electrico, infraestructura di aircor y e contrato di operacion y mantencion pa e sistema nobo di atende maleta.

Gastonan di automatizacion a aumenta cu Afl. 0.6 miyon, impulsa principalmente pa gastonan di licencia di software mas halto segun cu e aeropuerto a sigui modernisa sistemanan operacional.

E gastonan di tarifa di concesion di gobierno a subi cu Afl. 0.5 miyon, of 5.4%, debi na e volumen di cobranza di facili-

dad di pasahero mas halto.

Otro gastonan, sin embargo, a baha significativamente. AAA a reporta un reduccion di Afl. 2.5 miyon, of 46.1%, compara cu 2024. E bahada tabata pa gran parti mara na gastonan asocia cu e incidente di sistema di aircor di augustus 2024, cu a obliga e aeropuerto pa cera temporalmente.

E aeropuerto a registra Afl. 3.1 miyon na gastonan relaciona cu e incidente durante 2024, pero na 2025 a logra reverti Afl. 0.4 miyon di e gastonan ey cu a ser reconoci anteriormente.

Gastonan di financiamiento neto a aumenta substancialmente durante 2025, subiendo cu Afl. 9.4 miyon compara cu 2024. AAA a splica cu esaki tabata principalmente resultado di un capitalisacion mas abao di interes despues di e finalisacion operacional di Fase 1A di Gateway 2030 na april 2025.

Como resultado, mas gastonan di financiamiento mester a ser reconoci directamente den e estadonan di ganashi y perdida. E aeropuerto tambe a reconoce Afl. 4.9 miyon na gastonan di transaccion relaciona cu facilidadnan di financiamiento no retira. Gastonan di impuesto riba ganashi a baha cu Afl. 1.5 miyon, mientras cu pagonan di dividendo na accionistanan a suma Afl. 8.6 miyon durante aña.

AAA a continua cu inversionnan grandi den infraestructura a traves di e programa Gateway 2030. Gastonan di capital total a yega Afl. 92 miyon na 2025, di cual Afl. 59.7 miyon a ser inverti directamente den e programa Gateway. Fase 1A, cu ta consisti di expansion di e sala di control di Merca, edificio di maneho di maleta y sistema di maneho di maleta, a keda oficialmente completa dia 8 di april 2025.

Preparacionnan pa Gateway 2030 Fase 1B tambe a cuminsa durante aña, incluyendo construccion di portanan di bus, salanan di espera y expansion di e terminal. Fuera di Gateway, AAA a inverti Afl. 26.5 miyon den rehabilitacion di Taxiway Golf. E operador di aeropuerto a indica cu varios proyecto lo continua den 2026 pa sostene crecimiento futuro di pasahero y operacionnan.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Francis Dirksz

Colaboracion

Agence France Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

CBCS ta confirma cu trabao ta andando pa cu futuro strategico di ENNIA Aruba

E Banco Central di Corsou y Sint Maarten a confirma cu e ta trahando riba scenario futuro strategico pa ENNIA Aruba conhuntamente cu Banco Central di Aruba.

Di e manera aki e regulador ta contestando na rapportnan reciente y speculation andando tocante e seguro segun medionan local.

CBCS a comenta cu tin varios opcion strategico pa ENNIA Aruba cu actualmente ta bao exploracion. Segun e banco central, e proceso aki ta canando di manera constructivo y ta tumando luga den consulta cercano entre ambos regulador.

Pa motibo cu e proceso aki ta uno cu mester cana den confidencialidad, e banco no ta dunando ningun detaye tocante e dialogo ni tampoco e



posibilidadnan cu ta bao consideracion.

Sinembargo, CBCS a declara si cu varios noticia circulando den media ta contene varios error y ta pintando un imagen

cu no ta berdadero ni ta representa e realidad di e situacion actual tocante ENNIA Aruba.

Na mesun tempo, e regulador ta purbando di alivia pre-

ocupacionnan di clientenan y esnan cu tin polisa.

Segun CBCS, ENNIA Aruba su operacionnan diario ta sigui cana cu normalidad y e seguro ta financieramente den bon posicion y cuerdo. E compania ta opera di manera independiente y ta bao supervision di e Banco Central di Aruba.

CBCS tambe a señala cu e actividadnan di e seguro ta cay bao di VEHIA NV via Ennia Caribe Holding Aruba, di acuerdo cu e asina yama Framework Agreement of April 2024.

Segun e banco central, e interes di ambos ENNIA Aruba y e compania mas amplio ENNIA group y tur esnan cu tin polisa ta tuma na cuenta ora di evalua e varios opcion cu tin.

Operacionnan Mericano ta sigui laga morto den Caribe

Ehercito Mericano a laga 2 persona morto abordo di un boto cu tabata nabegando den Caribe. Segun medionan local, Southcom Central Command a bisa cu e barco tabata bao operacion di un organizacion terrorista y ta referi na esnan cu a fayece como "terroristanan di droga."

Segun SOUTHCOM, e boto tabata riba un ruta conoci pa transportacion di droga y esnan abordo tabata participando den trafico di droga. Mas detaye tocante e nacionalidad di e victimanan of e localidad exacto di e incidente no a keda publica.

Desde september di aña pasa, Merca a checuta decenas di atake riba e botonan did roga sospecha den Pacifico y Caribe. Alrededor di 200 persona a perde nan bida den e operacionnan militar aki.

E atakenan a atrae hopi critica. Sinembargo te ainda, e gobierno Mericano no a provee ningun evidencia cu e botonan aki ataca realmente ta usa pa traficantenan di droga.

Un tempo atras, nos a reporta cu Volker Türk, Alto Comisario actual di Nacionnan Uni encarga cu Derechonan Humano, a bisa den un declaracion cu e circunstancianan



pa e atakenan mortal "no tin hustificacion den ley internacional," splicando cu accion contra e problema serio di trafico ilicito di droga den fronteranan internacional ta — manera for di basta tempo a acorda entre estadonan — un topico di autoridadnan, goberna pa e limitenan cauteloso di forsa letal detaya den ley internacional di derechonan humano.

Segun el a splica e tempo aki, e uso di forsa letal bao ley ta permiti solamente como un ultimo recurso contra individuonan cu ta "posee un menasa inminente na bida."

El a agrega cu basa riba "informacion sumamente escaso cu autoridadnan Mericano a provee publicamente, ningun di e personanan abordo di e

botonan en cuestion tabata aparenta di posee un menasa inminente na e bida di otro nan." Nacionnan Uni tin United Nations Convention on the Law of the Sea (UNCLOS), y un di su principionan fundamental ta cu boto of barconan den awa internacional tin e libertad di nabegacion y ningun estado por validamente somete ningun parti di lama na su soberania mientras cu leynan internacional y domestico ta prohibi e acto arbitrario di kita un hende su bida.

E normanan tocante derecho di bida ta aplica na tur accion di e estado, incluyendo operacionnan militar.

Ademas, aunke tin tiki investigacion riba e impacto ambiental di e atakenan aki, e

efectonan general di actividad militar riba bida marino ta inclui daño significante cu energia acustico of shockwave ta causa, sin conta e destruccion di habitat bao awa y contaminacion kimico.

E impactonan aki ya caba tabata posee un menasa grandi na un region cu ya caba tin un ecosistema y bida marino sensitivo y vulnerable, manera coral por chempel.

For di aña pasa caba, e declaracionnan di Türk a haci echo di pensamentonan y preocupacionnan cu tin desde cu e accion militar a cuminsa, ta circula na casi tur nivel y te hasta riba rednan social.

Hopi a pone den duda e legalidad di e atakenan aki mirando cu nan a y ta sigui tuma luga den awa internacional, y esaki ta cay bao hurisdiccion di otro paisnan.

Tambe tumando na cuenta e hecho cu tin pasonan stipula cu mester tuma den caso di sospecha di presencia di narcotraficacion, e validez y legalidad di e atakenan aki tabata den duda y cu e hecho cu e atakenan aki te ainda ta sigui, e dudanan ta sigui aumenta.

Parlamentario Shailiny Tromp-Lee (MEP):

Parlamento ainda ta en espera di transparencia real y prueba di pago di minister Gerlien Croes

Parlamentario Shailiny Tromp-Lee ta recorda pueblo cu, despues di varios luna, ainda Parlamento di Aruba ta en espera di claridad y transparencia total di parti di Minister Gerlien Croes tocante e uso di un jet priva pa un biahe oficial pa Corsou. Tromp-Lee ta enfatisa cu den un estado di derecho, integridad no ta wordo proba cu palabra, sino cu documento y facturación cu ta carga e berdad.

Cuater luna di silencio y versionnan contradictorio

Desde november 2025, ora e incidente a tuma luga, e mandatario a duna versionnan cu no ta cuadra cu otro. Prome a wordo bisa cu e mes a paga,

despues cu e tabata un “lift” y finalmente cu e gastonan a wordo comparti. “Aruba no por tin un gobernacion basa riba confusion. Ora un mandatario cambia su storia tres biaha, e unico forma pa recupera confianza ta door di presenta e prueba di pago real. Te cu awe, e Minister a scoge pa keda den silencio of sconde tras di argumentonan fofo pa no duna e informacion cu Parlamento a pidi formalmente,” Tromp-Lee a declara.

Costo di Bida vs. Luho In-necesario

E falta di transparencia aki ta bira mas grave ora mira e realidad di nos isla. E costo di bida na Aruba ta subiendo dia pa dia, y famianan mester conta tur cen pa cubri nan



gastonan basico. Den e contexto aki, e uzo di un jet priva pa un vuelo di apenas 20 minuut ta un acto cu ta falta solidaridad cu e pueblo. Segun e Parlamentario, un lider

mester duna e chempel di austeridad y uzo responsabel di tur recurso, sea publico of personal, ora ta trata di asuntonan di estado.

Palabra so no ta basta, pueblo kier mira prueba

Tromp-Lee ta reitera cu e obligacion di un minister ta pa rindi cuenta. E nengamento di contesta preguntanan di Parlamento y e blokeo di peticionnan pa informacion ta crea un ambiente di duda cu no ta sano pa nos democracia.

“Nos no ta pidiendo opinion di e Minister, nos ta exigiendo e documentonan: e factura di e compania di aviacion y e prueba bancario cu e pago a sali efectivamente for di su

cuenta personal. Transparencia real ta nifica stop di papia y cuminsa mostra e papelnan. Pueblo tin derecho di sa e berdad completo riba e biahe aki y si a cumpli cu tur regla di integridad,” e Parlamentario a enfatisa.

Parlamentario Shailiny Tromp-Lee a conclui bisando: “Transparencia no ta un favor cu un Minister ta haci Parlamento, e ta un obligacion legal y moral. Si e Minister no tin nada di sconde, e mester presenta e pruebanan awe mes. Palabra so no ta basta mas; pueblo kier mira e recibo.”

Nota di redaccion: E articulo aki ta opinion di e autor y no ta representa opinion di Bon Dia Aruba.

“Nos tin hopi cos en comun”

Prome Minister Eman den encuentro cu vice-presidente di Ecuador María José Pinto

Durante su bishita oficial na Costa Rica, Prome Minister mr. Mike Eman a sostene un encuentro cu vice-president di Ecuador, María José Pinto, caminda a dialogo e oportunidadnan pa fortalece cooperacion regional.

Durante e combersacion, e lidernan a enfatisa e importancia di traha mas estrechamente como region, specialmente riba tema social y desaroyo comun.

Segun Prome Minister Eman a bisa den un comunicado di prensa, Aruba y Ecuador tin varios punto en comun y potencial pa amplia colaboracion, incluyendo conectividad y intercambio.

“Nos tin hopi pa comparti como region y nos mester sigui traha hunto pa fortalece e lasonan entre nos paisnan,” segun Eman.

Un di e temanan principal tabata e posibilidad pa mehora

conectividad aereo entre Ecuador y Caribe. Eman a indica cu ya a pasa e mensahe pa investiga e opcionnan pa reestablece e conexionnan cu tabatin antes, incluyendo dialogo cu aerolinea manera KLM.

E encuentro, describi como positivo y productivo, reflehando interes mutuo pa impulsa cooperacion y crea varios oportunidad nobo pa region.



Voorjaarsnota 2026 entrega na Parlamento

Weekend ultimo, Minister di Finanzas, Asunto Economico y Sector Primario, mr. Geoffrey Wever (Futuro) a haci entrega oficial di e Voorjaarsnota 2026 na Presidente di Parlamento. E Voorjaarsnota 2026 ta contene e proposicionnan di Gabinete AVP-FUTURO pa e prome cambio di Presupuesto 2026.

Banda di entrega e Voorjaarsnota, Gabinete AVP-FUTURO a entrega e prome concepto di ley di e presupuesto complementario na CAft. Despues di ricibi conseho di CAft riba esaki, Raad van Advies lo ricibi esaki pa finalmente e prome presupuesto complementario 2026 keda



entrega na Parlamento.

E Voorjaarsnota 2026 ta un refleho di e strategia di Gabinete AVP-FUTURO pa mitiga e impacto di e guerra na Iran. Gabinete AVP-FUTURO den un esfuerso colecti-

vo a crea e espacio financiero pa mitiga posibel efectonan di e guerra na Iran riba Aruba su economia. Cu un subida drastico di e prijs di petroleo den luna di maart, Gabinete AVP-FUTURO a baha e accijns riba gasolin cu 20,2 cen y

a kita full e accijns di 33,2 cen riba diesel entrante 8 di april. E decision aki ta den liña cu e Programa di Gobernacion den cual proteha e poder di compra di tur hende ta y keda prioridad di Gabinete AVP-FUTURO. Calculacionnan preliminar ta indica un costo di 5.1 miyon florin pa absorba parcialmente e aumento di prijs di gasolin y diesel, un paso concreto pa proteha poder di compra di nos ciudadanonan.

E esfuerso colectivo ta encera cu cada minister a reafirma e compromiso pa proteha e poder di compra y crea e buffer necesario pa haci esaki posibel. Creacion di e buffer aki ta resultado di prioriza loka

Gabinete AVP-FUTURO ta haya necesario na inversionnan y gastonan operacional. Punto di salida ta keda proteccion di e poder di compra y Aruba su economia.

Den un comunicado di prensa, minister Wever a enfatisa cu: “Gobierno ta actua cu determinacion pa proteha nos economia y nos ciudadano. Den momento di incertidumbre global, disciplina fiscal y colaboracion ta esencial pa logra estabilidad y crecimiento sostenibel.”

Gabinete AVP-FUTURO gradici tur departamentonan envolvi pa entrega oficial di e Voorjaarsnota 2026 na Parlamento di Aruba.

Hende evacua for di crucero afecta pa hantavirus ta cuminsa yega cas back

(AFP) – Ocupantenan di un crucero afecta pa un brote mortal di hantavirus cu a genera alarma internacional a cuminsa yega cas for di Islanan Canario na Spaña diadomingo, den un operacion complejo di repatriacion.

Tres pasahero di MV Hondius – un pareha casa Hulandes, y un señora Aleman – a fayece, mientras otronan a bira malo di e malesa inusual, cu normalmente ta transmiti entre rodente.

Ningun vacuna of tratamiento specifico ta existi pa hantavirus, cual ta endemico na Argentina, for di unda e crucero a sali na april.

Pero oficialnan di salud a insisti cu e riesgo pa salubridad publico global ta abao, y a minimisa e comparacionnan cu e pandemia di Covid-19.

Minister di Salud Spaño, Monica Garcia a bisa cu evacuacion di mayoria di e casi 150 pasahero y tripulacion di e crucero lo continua te cu un vuelo final di repatriacion pa Australia dialuna.

Pasaheronan bistiendo paña medico blauw a cuminsa baha di e boto cu bandera Hulandes y subi botonan mas chikito pa yega e waf di Granadilla riba Tenerife, segun periodistanan di AFP a mira.

E evacuadonan a aborda un bus cora di ehercito Spaño y a biaha na aeropuerto Tenerife Sur den un convoy, cu un tabla protector separando e chauffeur di e pasaheronan.

E evacuadonan a cambia nan paña pa ekipo protector prome cu aborda nan vuelonan di repatriacion, e prome di cual a hiba 14 ciudadano Spaño na Madrid, unda nan ta bay observa cuarentena na un hospital militar.

Evacuado Frances, Roland Seitre, a bisa AFP tiki prome cu e despegue cu “Tur cos ta bayendo bon,” agregando cu “tur hende tabata tremendo” durante e desembarcacion.

Un avion dirigi pa Hulanda tabata hibando 27 persona, incluyendo ciudadanonan Belga, Griego, Aleman, Guatemalteco y Argentino, segun hefe di proteccion civil Spaño, Virginia Barcones a bisa noticiario publico RTVE.

Vuelonan separa pa ciudadan-

onan Turco, Britanico, Irlandes y Mericano tambe tabata planea pa diadomingo.

Careda contra tempo

Autoridadnan di Islanan Canario a adverti cu mester completa e operacion prome cu dialuna, na momento cu condicionnan malo di tempo lo forsa e crucero pa bay.

“Si tur cos continua segun plan... pa 7pm e barco ta bay sali pa Hulanda,” dialuna, Barcones a bisa.

Gobierno di e archipelago Atlantico consistentemente a resisti di tuma e barco, cual tabata autorisa solamente pa baha anker offshore en bes di dok na e waf.

Pero tur pasahero ta asintomatico y a pasa un evaluacion medico final prome cu desembarca, segun Garcia a bisa reporteronan na Tenerife tiki prome cu e operacion a cuminsa.

Autoridadnan Spaño a insisti cu no ta bay tin contacto cu e poblacion local na Tenerife.

Periodistanan di AFP na Granadilla a mira tent blanco instala na e waf y cu polis, algun den paña medico protector, a cera un parti di e waf industrial chikito.

Spaña “ta haciendo loke mester haci, cu rigor tecnico y cientifico y transparencia completo, cu lealtad institucional y cu cooperacion internacional,” prome minister Pedro Sanchez a bisa diadomingo.

Preocupacion internacional

E unico tipo di hantavirus cu ta transmisible entre humano – e virus di Andes – a keda confirma entre esnan cu a test positivo, loke ta genera preocupacion internacional.

Organisacion Mundial di Salud (WHO) a bisa diabierna cu a confirma seis caso di ocho sospecha. No tin caso sospecha ainda na e crucero.

MV Hondius a yega Tenerife diadomingo mainta for di Cape Verde, unda tres persona infecta e keda evacua pa Europa anteriormente den e siman.

A sali di Ushuaia, Argentina, dia 1 di april pa un biahe crucero na Ocean Atlantico pa Cape Verde.



WHO ta kere cu e prome infeccion a sucede prome cu comienso di e expedicion, sigui pa transmision entre humano abordo di e barco.

Pero oficial di salud provincial Argentino, Juan Petrino, a bisa cu tabatin “casi cero chens” cu e homber Hulandes vincula na e brote a contrae e malesa na Ushuaia, basa riba e periodo di incubacion di varios siman di e virus, entre otro factor.

Autoridadnan di salud na varios pais ta track pasaheronan cu ya a desembarca anteriormente, y cualkier persona cu por tabata den contacto cu nan.

Avion cu evacuado ta yega Hulanda

Un avion transportando evacuado di MV Hondius a yega Hulanda ayera diadomingo, cu pasaheronan desembarcando aparentemente den bon salud y bon espiritu, segun un reportero di AFP a mira.

E vuelo for di Tenerife, unda e barco ta hancra, tabata

transportando 26 pasahero y tripulacion, incluyendo ocho di nacionalidad Hulandes, segun ministerio di Exterior Hulandes.

Bistiendo tapaboca medico y cu rugtas of tas grandi di plastic, e pasaheronan a baha di e avion Airbus preto den gruponan chikito despues di un vuelo durando tiki mas di tres ora y mey.

Escolta pa personal di e aeropuerto, nan a cana riba e terminal militar, varios di nan hasta saludando e camaranan. Hopi a stop pa saca potret di e avion of un selfie di nan salida. Ningun tabata rekeri asistencia pa desembarca of cana e distancia chikito pa e terminal.

Tur pasahero ta bay ta den cuarentena pa alrededor di seis siman, segun autoridadnan na Hulanda.

Residentenan Hulandes lo keda transporta na cas pa isolacion na cas, mientras ciudadanonan di otro pais lo ser hiba na un “sitio di cuarentena,” ministerio di Exterior

a bisa den un declaracion. “Alivia cu nan ta safe na caminda despues di un periodo di incertidumbre y cu otro pasaheronan ta biahando bay cas via otro ruta,” minister di Exterior Hulandes, Tom Berendsen a bisa riba X.

Un cantidad di ambulance Aleman a drenta e aeropuerto algun minuut despues cu e avion a aterisa.

E crucero MV Hondius cu bandera Hulandes ta den centro di un panico di salud global despues cu tres pasahero a muri memey di un brote di hantavirus.

Dos evacuado cu malesa a yega Hulanda siman pasa y ta ricibiendo tratamiento na hospitalnan separa. Ambos a test positivo pa e virus y ta bisa nan ta den condicion stabil.

Unabes cu tur pasahero keda evacua, e barco ta bay nabega cu un tripulacion minimo na e waf Hulandes di Rotterdam, segun su operador, Oceanwide Expeditions.

Banco central Hulandes ta adverti cu productividad laboral den disminucion ta menasa prosperidad den futuro

(NLTimes) - Banco central Hulandes ta bisa cu productividad den disminucion ta poniendo futuro prosperidad di e pais den peligro y cu crecimiento economico den proximo decada mester a bin principalmente for di productividad mas halto, no simplemente pa agrega mas trahador of mas oranan di trabao.

De Nederlandsche Bank, conoci como DNB, a haci e advertencia den un analisis nobo publica riba 9 di mei. Bert Colijn, economista principal di ING pa Hulanda, a sostene completamente e evaluacion.

“Den un sociedad cu ta bira bieu, nos tin cada bes menos personanan cu por traha, loke ta haci importante pa usa e oranan di trabao lo mas eficiente posible y haya mas produccion for di nan,” Colijn a bisa BNR.

E berdadero ganashinan, el a splica, lo bin for di usa recursonan di produccion disponible mas efectivamente. “Pensa riba mashinnan, capital, nos



espacio y naturalmente tambe nos personanan,” Colijn a bisa. E meta no ta pa haci hende traha mas ora, sino pa aumenta e produccion genera

pa cada ora cu traha.

DNB a bisa cu crecimiento mas fuerte den productividad ta rekeri mas competencia



y un dinamica empresarial mas sano. Cantidad di companianan nobo funda den Hulanda ta permanece abao compara cu otro paisnan Europeo. Como consecuencia, firmanan menos productivo ta sigui tranca capital y trabao, impediendo cu nan ta muda pa e firmanan mas productivo.

“Ta importante pa mas companianan ser funda cu bon ideanan cu ta conduci na innovacion,” Colijn a bisa. Den un economia ideal, companianan menos productivo simplemente lo desempeña si pio

manera, el a agrega. Aunke algun firma Hulandes ta logra crece exitosamente, specialmente companianan chikito tin tendencia di keda menos productivo y ta muestra tiki progreso.

DNB a bisa cu gobierno tin un rol clave den kibra e patron aki pa medio di crea miho condicionnan pa competencia y renobacion. Colijn a concorda. “Hulanda simplemente tin un economia cu recursonan di produccion limita; nos ta un luga unda hopi actividad economico ta sucede y unda nos kier haci ainda mas, pero nos ta yegando na limitacionnan di loke nos por,” el a bisa.


Banco central a nota cu apoyo gubernamental sin direccion y algun reglanan fiscal ta distorsiona procesonan di mercado. El a señala na asistencia estatal brinda na hopi companianan durante pandemia di coronavirus. “Aunke e apoyo den e situacion di crisis ey tabata hustificabel, distribucion ineficiente di trabao y capital a aumenta fuertemente,” DNB a bisa.

Mayoria di compania grandi Hulandes no ta subi compensacion sin impuesto pa empleadonan

(NLTimes) - Mayoria di companianan grandi Hulandes no ta aumentando e compensacion liber di belasting pa biahe di empleadonan pa e tarifa nobo di gobierno di 25 euro cent pa kilometer, segun un encuesta di ANP entre aproximadamente 20 compania grandi y conoci. Solamente algun a bisa cu nan lo cumpli e medida.

Gabinete a aumenta e compensacion liber di belasting pa kilometer for di 23 pa 25 euro cent luna pasa como parti di medidanan pa yuda compensa prijs halto di energia relaciona cu guerra den Medio Oriente. E aumento ta aplica retroactivamente desde 1 di januari di e aña aki.

ABN AMRO, Rabobank, ING, Nationale-Nederlanden, NS y NXP a declara cu nan no lo aumenta e compensacion na e momento aki. Varios a señala cu hopi di nan empleado ta yega trabao via transporte publico, auto electrico of bicicleta, of ta traha



for di cas.

Un vocero di Nationale-Nederlanden a bisa cu oficinanan di e compania ta localisa cerca punto di transporte publico. “Empleadonan cu no por transporta cu transporte publico y pa esey ta usa nan vehiculo ta ricibi

un compensacion mas halto si nan ta haci esaki di manera sostenible of activo.”

Fabricante di chip NXP a aumenta su compensacion cu 20 porciento luna pasa, un vocero a bisa. “No tin plan na e momento aki pa subi esaki pa 25 cent.”

Jumbo, KLM, VodafoneZiggo, companianan di contabilidad PwC y KPMG, transportista di pakettan DPD y compania di carga rapido Fastned a bisa cu nan ainda ta revisando un posible aumento of ta warda mas decisionnan for di La Haya.

Un vocero di DPG a bisa: “Recientemente, nos a introduci caba un plan adicional, unda empleadonan por intercambia fiscalmente nan kilometernan di biahe no usa den un manera bentahoso. Esaki ta un di e maneranan cu nos ta responde na costonan cambiante di transporte pa trabao.”

Companianan di transporte publico Ariva y GVB y cas di subasta Royal FloraHolland no a comenta pa motibo di negociacionnan colectivo laboral cu ainda ta canando. Schiphol a aumenta su compensacion pa kilometer pa 25 euro cent pa kilometer desde 1 di mei.

Fabricante di autobus electrico Ebusco ta implementa e aumento retroactivamente desde januari. Parti di personal di ANWB tambe lo ricibi esaki, pero solamente pa biahenan di negoshi y una bes cu toma di decision den La Haya ta finalisa.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com

5 victima a bin dilanti despues di campaña 'anti-sextorcion' di polis Hulandes

(NLTimes) - Cinco victima a reporta ofensanan sexual online na polis Hulandes despues cu a lansa un campaña online pa identifica mas hende perhudica den un caso grandi di 'sextortion' internacional contra un homber di 22 aña di Spijkenisse. E campaña a sigui e audiencia hudicial recien den e caso, caminda e homber, Damian D., a confesa di a comete chantahe.

Ningun di e cinco cu a bin dilanti tabata victima di e sospechoso di Spijkenisse, kende a yama su mes "Turpien" online, AD a informa. "E victimanan cu a bin dilanti no tabata victima di e sospechoso sino victima di un otro ofensa sexual online. Dos di e victimanan aki a bin di afo. Nos ta hopi contento cu nan a tuma

e paso aki pa asina un oido pa scucha por a ser ofrece na nan y yuda caminda ta necesario," polis a bisa.

E campaña di Snapchat a alcanza mas cu 1.1 miyon hoben. Su meta tabata pa muestra e victimanan D's y otro victimanan cu nan no ta nan so y cu ayudo ta disponibel.

"Ta bunita cu nos por a duna asina hopi hende e mensahe aki di e manera aki. Algo cu nos lo sigui haci, pasobra e trabao aki ta asina increíblemente importante," polis a bisa.

Den e audiencia recien, e sospechoso a confesa di a chantahia decenas di mucha muhe. Fiscalnan ta buscando un castigo di nueve aña di prison hunto cu tratamento psiquiatrico obligatorio na un



instalacion di TBS.

Evaluacionnan psicologico ta indica cu D. tin un trastorno di spectrum di autismo. E no por a papia cu mucha muhe y hende muhe den persona, y segun informe el a bay riba internet pa haci esaki. El a presiona decenas di mucha muhe — mayoria di nan teenagers — pa manda potretnan sunu y despues a obliga nan pa manda mas door di menasa di publica e imagennan

online si nan nenga.

E hues a describi D. como "calculador y manipulador." D. a reconoce cu e tabata sa cu su accionnan tabata ilegal pero a afirma cu e no a refleha riba nan impacto. Expertonan ta kere cu obliga mucha muhe hoben ta excit'e sexualmente y por indica un trastorno di sadismo sexual.

E abogado di D. a pidi responsabilidad penal reduci y TBS

condicional, cu no ta encera encarcelamento forsa den un clinica, en bes di tratamento obligatorio. El a cita su habilidadnan di comunicacion limita y falta di motivacion propio pa tratamento.

Di e 20 victimanan identifica, casi tur ta di otro paisnan, incluyendo Merca. Un so ta Hulandes. Autoridadnan ta kere cu por tin otro 37 victima. Hopi a sufrí daño propio y pensamentonan suicida.

Den un caso, D. a recluta un hende cu ta biba cerca di un victima pa monitори'e físicamente y a usa e informacion aki pa exige imagennan mas explicito. Tambe e tabata recoge detayenan personal, manera unda e victimanan tabata bay scol, pa intimidar nan.

Gobierno Hulandes ta anuncia compensacion di €100 miyon pa prohibicion di klapchi

(NLTimes) - Secretario di Estado di Infraestructura y Maneho di Awa Annet Bertram a informa Tweede Kamer tocante e principianan pa compensa importador y bendedornan di klapchi pa perdidanan causa pa un proximo prohibicion nacional riba klapchi pa consumidor.

Ta calcula cu e plan lo costa alrededor di 90 miyon euro. Como cu compensacion di desbentaha ta un areglo habri, e suma final por ta mas halto of mas abao, pues gobierno a reserva 100 miyon euro. Compensacion di desbentaha ta un pago pa perdidanan financiero desproporcional causa pa accion legal di gobierno.

E anuncio ta cumpli cu e condicion final cu Parlamento a pone pa e prohibicion, cu tin como meta reduci e tipo di daño cu a mira fin di aña



ultimo. Personanan priva a sufrí un calculacion di 16 miyon euro na daño y perhuicio asegura, segun cifranan inicial di e Asociacion Hulandes di Aseguradonan publica na januari 2025.

Aña pasa, Parlamento a aproba un ley di iniciativa proponi pa GroenLinks-PvdA y Partij voor de Dieren cu ta prohibi benta y uso di klapchi door di consumidornan.

Tweede Kamer a agrega tres condicion: reglanan pa exoneracionnan local, un plan di

ehecucion, y compensacion husto pa negoshinan afecta. E gabinete ya a filha e reglanan di exoneracion local, cu awor ta bao di revision di Consejo di Estado, y e minister di Husticia y Seguridad a manda e plan di ehecucion pa Parlamento. Bertram su carta ta trata e parti di compensacion.

Importadornan lo ricibi compensacion basa riba tres aña di ganashi perdi pa e periodonan di Aña Nobo binidero, mas pagonan extra pa otro gastonan manera despedida di personal y perdida riba

stock cu ta sobra.

E bendedornan lo tin un sistema mas simpel y mas lihe: un aña di ganashi perdi cu un margen di 15%, mas un 3.500 euro fiho pa compania. E suma extra ta destina pa yuda operadornan mas chikito, por ehempel, door di cubri e gastonan di termina un huur.

E diferente regla ta refleha con e sectornan ta funciona. Comercio di klapchi ta e actividad principal pa importadornan, cu un ciclo di compra-y-benta di mas o menos 16 luna. Pa hopi bendedor, e ta un negoshi na banda di nan negoshi principal.

Bertram a bisa, "Nos mester, como gabinete, atende cu e derecho riba compensacion di desbentaha di un banda y e reglanan rond di ayudo estatal di otro banda. Den e cuadronan aki, nos a busca un compensacion corecto y

husto pa empresarionan di klapchi. Den e evaluacion, a tene cuenta cu e prohibicion di klapchi tabata biniendo pa algun tempo y tabata previsto pa e bendedornan aki. Na mesun momento, tin comprension pa e consecuencianan di e prohibicion, tanto pa e importadornan como pa e bendedornan. Hasta si e comercio di klapchi, den caso di e doñonan di tienda, ta un actividad secundario, esey no ta nifica cu e no ta haci dolor."

Cu tur tres condicion awor cumpli, e gabinete ta considera e caminda cla pa e prohibicion. Tanto Tweede Kamer como Eerste Kamer ainda por contesta e reglanan di compensacion y e decision di ki dia e prohibicion ta drenta na vigor. Gobierno tin como meta pa e prohibicion cuminsa 1 di augustus pa e ta aplicable pa e siguiente fin di aña.

Brazil: Corte ta suspende ley pa reduci sentencia di Bolsonaro

(AFP) – Un hues di Corte Supremo di Brazil diasabra a suspende implementacion di un ley cu lo por reduci e sentencia di prison di ex-presidente Jair Bolsonaro te cu por scucha e retonan legal den su contra, segun un documento obteni pa AFP.

Hues Alexandre de Moraes a duna ordo pa e suspension di e ley te cu Corte Supremo tene un audiencia completo tocante apelacionnan retando su “constitucionalidad,” e documento ta bisa.

Na september, Corte Supremo a sentencia Bolsonaro cu 27 aña di prison, despues di



hay’e culpable di conspira pa keda na poder a pesar di su derota electoral na 2022 contra presidente isquierdista Luiz Inacio Lula da Silva. E ley, aproba na december den Congreso di mayoria

conservador, a keda blokea pa Lula e siguiente luna. Sinembargo, legisladornan lidera pa aliadonan di Bolsonaro a reverti e veto presidencial na fin di april, y finalmente e medida a drenta na

vigor diabierna.

E ley nobo, cu ta aplica na tur esnan condena manera Bolsonaro di planifica un golpi di estado, tin intencion pa reduci e tempo di espera pa reduccion di sentencia, potencialmente reduciendo significativamente e castigo di prison.

Sinembargo, abogadonan di defensa di e condenadonan mester entrega un solicitud pa Corte Supremo calcula di nobo e terminonan di reduccion di sentencia dependiendo di cada caso. Den termino practico, ordo di Moraes diasabra ta suspende e revision di e casonan

aki te cu e Corte Supremo completo reuni pa dicidi si e ley ta constitucional, despues di ricibi peticion di partidonan isquierdista.

E reduccion di sentencia den ley tambe tin intencion di beneficia esnan condena di participa den insurgencia dia 8 di januari 2023, tempo cu un multitud di sostenedor di Bolsonaro a invadi edificio-nan di gobierno na Brasilia, un siman despues di inauguracion di Lula.

Bolsonaro, 71, actualmente ta sintando su castigo den aresto domiciliario pa motibo di salud.

Colombia: Cuatro minero morto den explosion na mina di carbon

(AFP) – Cuatro minero a ser haya morto despues di un explosion na un mina di carbon bao tera den centro di Colombia, unda un accidente similar a laga atras nueve morto un siman pasa, segun un oficial senior a bisa ayera.

E explosion a sucede diasabra na mina Las Quintas den Pueblo Viejo, un pueblo den municipalidad Cucunuba, segun Jorge Emilio Rey, gobernador di departamento

Cundinamarca. “E cuatro minero cu tabata atrapa den mina Las Quintas” a ser haya morto, Rey a bisa riba rednan social.

Oficina di maneho di riesgo di Cundinamarca a bisa anteriormente cu tabata “respondiendo na e emergencia.”

Medionan local a reporta cu tabata kere cu e trahadornan tabata como 500 meter bao tera.



Causa di e explosion no tabata inmediatamente cla, pero accidente di mineria ta comun den e region aki di Colombia,

hopi biaha pa motibo di mal ventilacion na operacionnan ilegal of artesanal cu ta opera sin permiso y no ta cumpli cu standardnan di seguridad.

Dia 4 di mei, un explosion a sucede na otro mina di carbon bao tera den municipalidad di Sutatausa, tambe na Cundinamarca. Nuebe persona a perde nan bida y seis a keda rescata den e incidente aki.

Lider Venezolano bayendo Den Haag den prome biahe pafo di Caribe

(AFP) – Presidente interino di Venezuela, Delcy Rodríguez a bisa diasabra cu e ta bayendo Den Haag pa representa su pais dilanti Corte Internacional di Husticia den un disputa tocante e region Essequibo, rico den petroleo.

“A keda na mi pa biaha den proximo oranan pa defende nos patria,” Rodríguez a bisa den un discurso televisa, refiriendo na e territorio reclama pa tanto Venezuela como su bisiña Guyana, cual actualmente ta administra e region.

Esaki lo ta su prome biahe pafo di Caribe desde cu el a asumi poder despues di captura di Nicolas Maduro na man di forsanan Mericano na januari.

E corte di Nacionnan Uni (UN) den dianoan recien ta scuchando di representantenan di Venezuela y Guyana tocante e disputa di siglonan bieu cu tin biaha a menasa di desenvolve den accion militar. E audiencianan, cual a cumin-



sa dia 4 di mei, ta conclui awe dialuna.

E dos pais ta bringando tocante e region desde añanan 1800, cu e conflicto intensificando despues cu ExxonMobil a descubri depositonan enorme offshore di petroleo un decada atras, dunando Guyana e reserva di crudo mas grandi per capita na mundo.

Region Essequibo ta conta pa mas di dos tercer parti di Guyana. Sinembargo, bisiña Venezuela ta reclama e territorio, cu ta pasa na e banda occidental di un riu homologo riba un area di 160.000 kilometer cuadra.

Huesnan di Corte Internacional di Husticia (ICJ) a keda encarga di duna un veredicto riba e validez di e frontera estableci entre e dos pais na 1899 bao gobierno colonial Britanico.

Venezuela ta argumenta cu mester marca e frontera di acuerdo cu un documento posterior di 1966, firma prome cu Guyana a ricibi su independencia. E ta bisa cu Riu Essequibo, ubica hopi mas leu den oriente cu e frontera actual, ta e frontera natural, manera e tabata na 1777 bao gobierno colonial Spaño.

Bao sancion di Merca pa hopi tempo, Rodríguez a mira e sancionnan elimina na april como parti di un acercamento cu Washington cu a mira Caracas duna companianan Mericano acceso na e rikesa di petroleo Venezolano. Hende presentando dilanti ICJ, e organo hudicial principal di Nacionnan Uni, ta beneficia di proteccion legal special.



**TRABOU DI MANTENCION DURANTE
SIMAN DI 11 PA 15 DI MEI 2026**
Interupcion di Coriente Planea

En conexion cu trabounan necesario pa mantene un suministro di coriente confiabel, e suministro di coriente lo wordo interumpi:

Diamars, 12 di mei 2026
8:30 AM te cu 3:30 PM

Underground Services

Den vecindario di:
• Palm Beach (un parti)

Diamars, 12 di mei 2026
8:30 AM te cu 3:30 PM

Overhead Services

Den vecindario di:
• Booby Hillweg
• Bottom Hillweg
• Great Hillweg
• Parish Hillweg
• Rooi weg
• Weg Fontein (un parti)

Bishita www.elmar.aw pa mira e lista di adresnan afecta.
Danki pa e comprension.

ELMAR

Cuatro acusado haya culpable na Merca pa asesinato di presidente Haitiano

(DiarioLibre) - Un hurado federal na Miami, Florida, a haya Arcángel Pretel Ortiz, Antonio Intriago, Walter Veintemilla y James Solages culpabel pa nan envolvimento den e conspiracion pa secuestra of asesina presidente di Haiti Jovenel Moïse na Port-au-Prince na 2021.

Cu e veredicto aki, nueve persona awor a ser condena na Merca pa e asesinato, ehecuto pa un grupo di mercenario, entre nan 17 ex militar Colombiano.

Cinco otro acusado ya a ser sentencia na castigo di prison pa bida largo, mientras cu un di seis persona a ricibi un castigo di nueve aña di prison despues cu a keda determina cu e no tabata na altura di e complot, despues di a financia e envio di bulletproof vests.

E cuater acusadonan, cu a declara nan mes no culpabel, awor ta enfrenta posibel castigo di bida largo.

E veredicto a ser duna pa un panel di 12 hurado despues di un huicio di 39 dia den un



corte federal di Miami, precidi pa Hues di Distrito Jacqueline Becerra.

Di acuerdo cu e acusacion, e hombernan condena a conspira na Sur Florida pa orkestra e secuestro y asesinato di Moïse, cu a tuma lugar dia 7 di juli 2021, na su residencia priva na Pétion-Ville, pafo di Port-au-Prince, na man di un grupo di mercenario.

Documentonan di corte ta indica cu entre februari i juli

2021, Sur Florida a sirbi como e centro di planificacion y financiamiento pa e complot pa deroca e presidente Haitiano y reemplas'e cu un hende alinia cu e interesnan politico y economico di e conspiradornan.

E obhetivo tabata pa e dokter Haitiano Christian Sanon asumi e presidencia y seguidamente otorga contratonan na un compania cu sede na Doral liga na Intriago y Ortiz, mientras cu Solages a fungi

como un enlace na Haiti. Di su banda, Veintemilla supuestamente a financia e operacion a traves di su compania, Worldwide Investment Development Group.

Sanon tambe tabata programa pa ser husga den e caso aki, pero su huicio a ser separa pa motibo di salud y lo ser teni un fecha despues.

Autoridadnan a indica cu e plan a ser presenta inicialmente na e mercenarionan

Colombiano como un operacion di aresto legal respalda pa instancianan Mericano, den parti pasobra algun di esnan involvi tabatin lasonan previo como informantenan pa FBI y DEA.

Sinembargo, segun testimonionan, e operacion a resulta den asesinato despues di intentonan fracasa di captura.

Mas di 50 persona a ser acusa na Haiti pa e asesinato, incluyendo e viuda di Moïse, aunke e procedura legal den e pais ey ta keda para pa motibo di inseguridad severo.

E asesinato di e mandatario a desencadena un crisis profundo na Haiti, cu un falta di poder cu a facilita e control di gangnan arma y a empeora e situacion humanitario.

Esaki a alimenta un ola di migracion pa otro paisnan, specialmente pa Merca, unda alredero di 350.000 Haitiano ta depende di Status di Proteccion Temporal (TPS) pa evita deportacion, meymey di intentonan di administracion di presidente Donald Trump pa revoca e medida ey, cu a ser blokea te cu awor pa cortenan.

Jamaica: Senador di oposicion ta adverti cu guerra di Medio Oriente por impacta plannan di gobierno despues di Melissa

(JamaicaObserver) - Senador di oposicion Mazi-ki Thame a adverti cu e guerra continuo den Medio Oriente por tin un efecto negativo pa loke ta trata e disponibilidad di financiamiento pa e agenda ambicioso di reconstruccion di gobierno despues di horcan Melissa.

Thame a duna e advertencia durante su contribucion na e debate riba e Proyecto di Ley di Autoridad Nacional di Reconstruccion y Resiliencia (NaRRA).

NaRRA ta e instancia estableci pa gobierno di Andrew Holness pa dirigi e esfuersonan di reconstruccion despues di e daño di 12.2 biyon dollar Mericano cu horcan Melissa a laga.

Thame a papia tocante e US\$6.7 biyon cu e gobierno a gaba repetidamente cu el a sigura di multinacionalnan, casi 60% di cual ta representa fianza, pa impulsa e reconstruccion.



“Nos ta spera di kere cu e nacion lo ser transforma den un paraiso di abundancia na velocidad di warp bao di FAST, e trayecto acelera pa medio di e proceso di aprobacion regulatorio di Jamaica,” el a agrega. E Aceleracion Facilida di Transformacion Strategico (FAST), ta e organo complementario na NaRRA cu lo facilita proyectonan di US\$15 miyon.

Thame a argumenta cu e Jamaikinonan a ser bisa tur e tempo aki cu e problema

nunca no tabata cu “Jamaica tabata falta interes di inversionistanan, pero cu nos positivo tabata mucho slow pa ta atractivo pa inversionistanan.

“Cu otro palabra, gobierno ta culpa e burocracia ineficiente pa ta un obstaculo y pa stroba progreso. Pero awor cu FAST den wega, inversionistanan di diaspora, partnernan regional y capital internacional di escala mediano lo core pa salba e dia,” el a bisa.

Thame a cuestiona e presentacion di e paquete di recupera-

cion di US\$6.7 biyon promovi pa minister di Educacion, senador Dr. Dana Morris Dixon, bao di e ley NaRRA. Mientras cu e minister a describi esaki como prueba di e credibilidad fiscal di Jamaica, Thame a argumenta cu un parti grandi di e paquete ta bin di recurso propio di Jamaica, incluyendo e Contingency Fund, Natural Disaster Reserve Fund, pago di seguro y e fondo di catastrofe. Tambe el a señala cu 58% di e paquete ta consisti di prestamo for di institucionnan financiero internacional manera Banco Mundial, IDB, IMF y Caribbean Development Bank.

Thame tambe a indica cu US\$2.4 biyon, of 36% di e total, ta depende di inversionnan priva cu IDB y Banco Mundial ainda ta tratando di atrae. El a expresa preocupacion tocante con e condicion economico mundial cu ta empeora, incluyendo e conflicto entre Israel, Merca y Iran, por afecta e posibilidad pa Jamaica haya e inversionnan spera.

Haciendo referencia na comentario di minister di Energia Daryl Vaz, kende a describi e situacion como “espan-toso”, Thame a bisa cu Banco Mundial tambe a adverti cu condicionnan financiero mundial mas estricto por reduci crecemento di credito y inversion den negoshi. El a cuestiona si gobierno ta transparente cu e pueblo Jamaikino tocante e estado real y viabilidad di e plan di recuperacion di US\$6.7 biyon.

Thame tambe a subraya cu e Planning Institute of Jamaica a calcula e daño total causa pa e horcan na US\$12.2 biyon, hopi mas halto cu e paquete actual di recuperacion. El a argumenta cu e plan di gobierno ta basa hopi riba e suposicion cu inversionnan local, internacional y di diaspora na nivel sin precedentenan lo materialisa a pesar di incertidumbre mundial, guerra y inflacion. El a cuestiona si esakinan ta realista, advirtiendo cu e plan por caba na d

Marriott's Aruba Surf Club ta gana Resort di e aña 2025 pa Region di Florida & Caribe

PALM BEACH, ARUBA - April 2026 – Marriott's Aruba Surf Club ta orguyoso di anuncia cu el a wordo reconoci como Resort di e aña 2025 pa Region di Florida & Caribe door di Marriott Vacation Club. E honor prestigioso aki ta wordo otorga na "resorts" cu ta muestra desempeñu sobresaliente den e pilarnan principal di exito di e marca.

E distincion di e Resort di e aña ta refleha resultadonan sobresaliente den satisfaccion di huesped, standard di marca, compromiso di empleadonan, excelencia operacional, seguridad, sostenibilidad y inovacion, esakinan ta tur e areanan unda Aruba Surf Club ta sigui sobresali. E logro extraordinario aki ta resalta e dedicacion y pasion di e ekipo di Aruba Surf Club, kende su compromiso fuerte



cu excelencia ta sigui eleva e experiencia di huesped y cu tur dia ta duna bida na e balornan di Marriott Vacation Club. "E reconocimiento aki a bini completamente danki na nos ekipo excepcional," segun Joop Bangma, e ger-

ente di Marriott's Aruba Surf Club. "Mi ta hopi orguyoso di loke nos a logra hunto y hopi agradecido na cada miembro di e ekipo, kende nan dedicacion, pasion y compromiso ta sigui pone nos aparte." Ser nombra Resort di e aña

2025 ta un testimonio di e es-
pirito colaborado, profesional y cultura di servicio cu ta defini Marriott's Aruba Surf Club. E resort ta keda comprometido pa entrega experiencias di vakantie inolvidabel, manteniendo e nivelnan

di mas halto pa calidad, cuido y inovacion.

Tokante Marriott's Aruba Surf Club

Situa banda di e famoso Palm Beach riba "One Happy Island", e "award-winning" resort di vakantie banda di orilla di lama, ta ekipa cu 450 villa y cambenan di huesped cu ta ofrece un variedad grandi di amenidad y actividadnan pa henter famia. For di deporte di awa riba su playanan blanco te un paseo relajante den e "lazy river".

Marriott's Aruba Surf Club ta ofrece restaurantnan riba sitio y beneficianan manera "Wi-Fi" gratis y sin "resort fees". Un vakantie inolvidabel ta warda bo na e resort familiar na Aruba. Pa mas informacion, please bishita Marriott's Aruba Surf Club | Marriott Vacation Club

Cantidad di selfies durante inauguracion di Eurovision na Vienna

(AFP) – Eurovision a keda inaugura na Vienna diadomingo, cu miles di fanatico yegando e ciudad pa evento y musica prome cu e gran final di e concurso di cantica proximo weekend, cu yamado renoba pa boycott pa motibo di participacion di Israel.

E capital Austriaco ta bayendo all out como anfitrión di e di 70 edicion di e concurso di cantica mas mira na mundo, cu hopi evento na banda programa na caminda pa e final di a16 di mei.

Diadomingo atardi, a pone tapijt – cu na Eurovision no ta cora sino turquoise – pa duna bon bini na un parada



di 35 delegacion di paisnan participante, como parti di un ceremonia di apertura colorido. "Tin hopi energia positivo, hopi hende ta hari, nan ta hopi caluroso," Monroe, representando Francia, a bisa AFP na e ceremonia mientras hende tabata saca selfies tur rond.

Den e programa: E miho – y pio – di siete decada di competencia di musica riba un pantaya gigante dilanti e city hall neo-Gotico, den un plaza converti den area sigur reserva pa fanatico.

E concurso ta yega na mas di 170 mion persona riba television y online rond mundo, y su contenido ta genera biones di views riba diferente plataforma digital.

Finlandia ta e faborito e aña aki, sperando di gana e jackpot cu un entrada poniendo hunto e cantante Pete Parkkonen cu e violinista radiante Linda Lampenius. Instrumentonan usualmente ta pregraba, pero organisadornan, e Union Europeo di Transmision (EBU) a haci un excepcion pa permiti Lampenius toca en bibo, segun medianan di e pais Nordico.

Centenares di polis

Espana, Irlanda, Islandia, Hunlandia y Slovenia a dicidi di no participa den edicion di e aña aki como protesta pa participacion di Israel.

Nan a critica Israel pa su bombardeo na Gaza den represalia di e atakenan dia 7 di october 2023 di move-

mento Palestino Islamista, Hamas, cu a mata mas di mil ciudadano Israeli.

Mas di mil artista of grupo tambe a haci un yamado pa boycott, incluyendo Peter Gabriel y Massive Attack.

Diasabra, un manifestacion pro-Palestina a tuma lugar den centro di Vienna, protestando participacion di Israel. Nan tabata observa pa algun di e centenares di agente di polis desplega pa seguridad te cu final di e evento.

Minister di Cultura Aleman, Wolfram Weimer, kende a bisa cu e lo atende Eurovision, a bisa noticiero Augsburger Allgemeine cu e yamado pa boycott contra Israel a pon'e "sufri". El a bisa

cu el a defende participacion di Israel "na e nivelnan politico di mas halto."

Cabesante di competencia Eurovision, Martin Green, a bisa diasabra cu a manda un advertencia na noticiero participante di Israel, KAN, bisando pa stop di pone video cu ta urgi e audiencia pa "vota 10 biaha pa Israel."

"Usa un yamado pa accion directo pa vota 10 biaha pa un artista of un cantica no ta den linea cu nos regla ni e espiritu di e competencia," Green a bisa den un declaracion.

Eurovision a actualisa su reglanan pa purba di preveni voto publico artificialmente halto, despues di yamadonan di Israel aña pasa pa e publico rond mundo duna sosten na su participante.

Algun pais ta garantisa un puesto den e final, sin importa e recepcion di nan participante. Esakinan ta Alemania, Francia, Italia y Reino Uni, cu ta contribui e porcion financiero mas grandi na EBU.

Austria tambe ta bay ta riba escenario pasobra artista local JJ a gana e edicion anterior. Pero e aña aki, su participante, Cosmo, no ta spera di causa mucho sensacion.



Britney Spears ta papia di ‘caminda spiritual’ despues di culpabilidad pa core irresponsable

(NBCnews) – Britney Spears a reflexiona tocante su “caminda spiritual” den un post riba Instagram despues di admiti culpabilidad pa core irresponsable despues cu a arrest’e bao sospecho di core bao influencia.

E strea di pop, 44, a comparti un potret di un colebra “baby” blanco cu geel riba Instagram mientras el a skirbi tocante Dios y gratitud sin menciona directamente su admission di culpabilidad dia 4 di mei.



“A bay tienda di mascota cu mi yiunan y wak con bunita e colebra baby aki ta,” el a

skirbi. “Colebra ta simbolico di bon salud, consenshi mas halto, y suerte puro.”

“Mi ta asina agradecido cu mi amigonan y asina hopi hende nobo bunita cu mi a conoce riba mi caminda spiritual... tur un bendicion den disfraz,” el a agrega. “Ainda mi mester siña con pa ta amabel cu mi mes y e manera con mi ta papia cu mi mes.”

A para Spears bao sospecho di core bao influencia di 4 di mei. Dos luna despues, el a admiti culpabilidad di violacion di un codigo di vehiculo conoci na California como “wet reckless” – un cargo reduci cu ta aplica pa esnan cu comete un crimen pa prome

biaha cu un nivel abao di alcohol den sanger den casonan cu no ta involucra un accidente of herido.

El a keda sentencia cu un dia den prison, credita como tempo sinta, y 12 luna di libertad condicional. Spears no a presenta den corte; e tabata representa pa su abogado, Michael A. Goldstein. E substancia involucra no a keda revela publicamente. Bao ley di California, cualkier condena futuro pa core bao influencia dentro di 10 aña lo ser trata como e di dos crimen.

Irani ganador di premio Nobel libera pa tratamiento medico

(AFP) – Autoridadnan Irani ayera a libera ganador di premio Nobel di Paz, Narges Mohammadi bao fianza despues di alarma creciente tocante su salud y el a keda transferi pa Teheran pa tratamiento medico, su sostenedornan a bisa.

Despues di 10 dia di hospitalisacion na Zanzan den nort di Iran unda e tabata sinta su castigo, Mohammadi “a ricibi un suspension di sentencia riba fianza pisa,” su fundacion a bisa den un declaracion, sin detaya e suma.

A agrega cu el a keda transferi riba ambulance na un hospital na Teheran “pa ricibi tratamiento di su propio team medico.”

Su sostenedornan siman pasa a adverti cu mohammadi, kende a gana e premio na 2023 den reconocemento di



su decadas campanando pa derecho humano na Iran, tabata den riesgo di muri den prison despues di sufrir dos atake di curason sospecha den su cel na Zanzan. “Bida di Narges Mohammadi ta colga den balans,” su esposo basa na Paris, Taghi Rahmani a bisa den un declaracion. “Mientras cu actualmente e ta hospitalisa despues di un fayto catastrofi-

co di curason, un transferencia temporal no ta suficiente. Narges nunca mester bolbe na e condicionnan cu a kibra su salud,” el a agrega.

Su fundacion a bisa cu Mohammadi mester di cuidio specialisa y a agrega cu “nos mester sigura cu e nunca bolbe prison pa enfrenta e 18 aña cu ta resta den su sentencia.”

Su abogado Irani, Mostfa Nili, skirbienod riba X a confirma cu el a keda transferi na Tehran anteriormente diadomingo “despues di un orden pausando su sentencia pa tratamiento medico.”

‘Ireconocible’

Mohammadi, 54, kende a pasa gran parti di ultimo dos decada pafo y paden di prison pa su activismo, a keda aresta

mas recientemente na december despues di denuncia e republica Islamico na entiero di un abogado.

Sufriendo di un condicion di curason caba, e tabatin loke ta sospecha tabata dos atake di curason, un dia 24 di maart y otro dia 1 di mei den prison na Zanzan, segun su sostenedornan.

Despues di e incidente mas recien, a hib’e hospital na Zanzan pa tratamiento, pero el a keda bao vigilancia constante.

Su abogado basa na Paris, Chirinne Ardakani a bisa siman pasa cu Mohammadi a baha 20 kilo den prison, tin dificultad pa papia y actualmente ta “ireconocible” di su estado prome cu su aresto mas recien.

Su condicion ta afecta pa e guerra entre Iran y Merca y Israel, cu al menos tres atake

aereo cerca di e prison unda e tabata cera.

Mohammadi a sostene fuertemente e protestanan na 2022-2023 genera pa e morto den custodia di e hoben Masa Amini, pero a keda aresta prome cu e demostracionnan mayor cu a cuminsa na januari e aña aki.

Ademas di campana contra castigo di morto y e sjal obligatorio pa hende muher, e tambe regularmente a pronostica caida di e sistema di clero cu a goberna Iran desde e revolucion Islamico di 1979.

Yiunan morochu di Mohammadi, Ali y Kiana Rahmani, kende ta biba y studia na Paris, awo no a mira nan mama den mas di un decada. Nan a acepta e premio Nobel den su nomber mientras e tabata den prison.

Savannah Guthrie ta comparti mensahe doloroso di Dia di Mama

(NBCNews) – Savannah Guthrie a comparti un post doloroso di Dia di Mama, suplicando pa ayudo di publico den haya sa e paradero di su mama desaparecido, bisando, “Nos mester di ayudo.”

Co-anfitrion di show “TODAY” a post un video di compilacion riba su pagina di Instagram diadomingo, compartiendo momentonan bunita cu su mama, Nancy Guthrie.

“Mama, yiu, ruman, Nonie – nos ta haya bo falta cu cada rosea. Nos nunca ta bay stop di busca bo. Nos nunca ta bay tin paz te ora nos haya bo,” el a skirbi.

Ademas, el a urgi publico pa



duna cualkier tip tocante su paradero.

“Nos mester di ayudo. Tin un persona sa algo cu por haci un diferencia. Yama

1800CALLFBI. Bo por ta anonimo y e recompensa ta keda disponible,” el a skirbi. “Please sigui haci oracion,” el a conclui den su post. “Trec’e

cas.”

Ya ta mas cu tres luna desde cu Nancy Guthrie, di 84 aña di edad, a keda reporta como

desaparecido dia 1 di februari ultimo. A mir’e pa ultimo biaha na su cas cerca di Tucson, Arizona.

A reporta su desaparicion despues cu e no a presenta pa un sirbishi virtual di iglesia na cas di un amigo, autoridadnan a bisa. A mir’e ultimo biaha e anochi prome, pa alrededor di 9:45pm, despues di come dinner na cas di su yiu, Annie Guthrie.

Desde esey, tin un buskeda masivo y preocupacion nacional pa Nancy Guthrie. Autoridadnan a describi e caso como un posible secuestro, pero Oficina di Sheriff di Pima County no a specifica un motibo publicamente.

Barça ta bay cu titulo di La Liga cu victoria den Clasico contra Real Madrid

(AFP) – Barcelona a sigura su di 29 titulo di Liga Spañol despues di derota Real Madrid 2-0 den e Clasico ayera. Marcus Rashford y Ferran Torres a anota den e prome mita pa yuda e banda di Hansi Flick gana La Liga den añanan consecutivo, mientras a laga Madrid den un temporada sin trofeo.

Barça a move 14 punto impasable dilanti di Los Blancos na di dos lugar cu tres partido faltando. Esaki tabata apenas e di dos biaha cu e resultado di La Liga a keda dicidi directamente pa e resultado di un Clasico, cu Real Madrid, cu tin e record di 36 biaha campeon, ganando nan prome titulo na 1932 despues di un empate cu Barça.

Team di Flick tabata decepciona pa keda saca di quart final di Champions League pa Atletico Madrid na april, pero tabata determina pa celebra cu estilo.

“E titulo aki ta mas special pa a gan’e na cas contra Madrid, awo nos mester disfrut’e cu e fanaticonan,” centrocampista

di Barça, Frenkie de Jong a bisa Movistar. “Nos ta e miho team na Spaña – clar nos tambe kier gana Champions League, esey ta e obhetivo.” “Otro año nos lo tin otro oportunidad.”

Madrid a yega e final lora den caos, despues cu centrocampista Fede Valverde a keda descarta cu un lesion na cabes despues di un enfrentamento durante training cu su compañero di team, Aurelien Tchouameni, kende a start.

Coach di Barça, Flick a ricibi mal noticia prome cu e wegá, cu su tata fayeciendo, pero a asumi su lugar na e cancha sinembargo, pa supervisa e triunfo confortable di su team.

E Aleman a opta pa e energetico Rashford, den prestamo for di Manchester United, den right wing en bes di e adolescente lesiona, Lamine Yamal.

E Catalannan, kende djis mester a evita derota, a sali cu nan wowo pega riba e premio, coriendo yega un ben-

taha di dos gol dentro di 18 minuut.

Rashford a inaugura anotacion cu un tiro libre genial, lorando e bala den skina top banda robes for di un posicion di 20 yarda.

Torres a duplica bentaha di e anfitrión na un Camp Nou feliz, cu e multitud di 62.000 persona disfrutando e prome Clasico back eyman desde reapertura di e stadion.

Dani Olmo a produci un backheel inteligente pa permiti Torres drenta e box y pasa door di Thibaut Courtois.

Gonzalo Garcia, hungando na lugar di e super strea lesiona di Madrid, Kylian Mbappe, a manda su tiro mucho amplio despues di core tras di e linea altamente defensivo di Barça.

Stop e sangramento

Urgi pa coach Alvaro Arbeloa, kende probablemente no ta bay ta a cargo proximo siman, Madrid a bataya pa stop e sangramento.

Rashford por a agrega un di tres gol prome cu e pause,



pero a tira mucho amplio, cu Fermin Lopez su so y bon posiciona pa completa.

Torres lo mester a anota trempan den e di dos mita, pero Courtois a salba for di e internacional Spañol.

Jude Bellingham a pone e bala den net di Barcelona, pero a descarta e gol pa offside, mientras Joan Garcia a stop Vinicius Junior mientras Madrid tabata menasa.

Fanaticonan di Barça a tira balanan inflexible di beach pa burla di e Brasileño tocante su ambicionnan no realisa pa gana un Ballon d’Or, y a disfruta di e atmosfera di fiesta.

Courtois a salba for di substitutonan Raphinha, back despues di lesion, y Robert

Lewandowski mientras Madrid a wanta e resto di e partido sin sufri mas daño.

E banda di Flick ta keda na caminda pa iguala e record di 100 punto den un temporada di liga y por gana tur nan partido na cas si nan derota Real Betis den esun restante.

Mientras tanto, Madrid ta termina un di dos temporada consecutivo sin un trofeo mayor, enfrentando un reforma den berano, incluyendo ex-coach Jose Mourinho siendo vincula cu un potencial regreso.

Loke ta cla ta cu pa awo, presidente Florentino Perez no por haya e solucion pa caba cu e dominio domestico di e Barça di Flick.

Rookie Frances, Magnier ta gana su di dos etapa di Giro d’Italia



(AFP) – Paul Magnier a demostra mas nous cu su edad door di bay cu victoria na Sofia den di tres etapa di e Giro d’Italia, superando e speransa Italiano, Jonathan Milan y Dylan Groenewegen.

E ciclista di Quick-Step, di 22 año di edad, tambe a gana

e etapa di apertura diabierna y tabata bisti den e colornan di e sprinter lider den loke ta su Giro di debut.

Milan a habri su sprint trempan cu Magnier sinta na su wheel te cu e linea unda el a haci un bike throw, un maniobra den cual el a pusha su peso for di e parti patras di e

asiento pa pusha e bicicleta 30 centimeter dilanti.

“Awo mi sa cu mi por competi cu e mihonan,” Magnier a bisa despues di su di dos victoria.

E careda di 175km for di Plovdiv riba e manifico riu Maritsa na e capital Bulgaro a hiba e peloton riba e ascen-

so di 9.2km di Borovec Pass unda Diego Pablo Sevilla, bistiendo e camisa di Rey di Montaña, a lidera un break di tres persona cu a keda captura y surpasa apenas 300m for di e linea final.

Team UAE a retira tres ciclista caba, un cantidad pisa despues di e masacre di e caida masal diasabra cu a priva nan di Adam Yates, Jay Vine y Marc Soler, tur potencial contendiente pa e titulo.

Otro favorito, e Colombiano, Santiago Buitrago tambe mester a retira, lagando Jonas Vingegaard mustrandando hasta na e etapa inicial aki como cada bes mas probable pa

gana e evento di 21 dia.

Awe ta dia di descanso y biahe prome cu etapa 4 diamars pa un careda di paisahe den region Abruzzo unda e Uruguayo, Guillermo Silva ta bay core den e camisa ros di e lider general.

Vingegaard ta bay tin cu warda te e di siete etapa pa un posible prome montaña real cu un ascenso di casi 14km riba Mont Blockhaus den Apennines.

Etapa 10 tambe lo mester causa un cambio cu un time-trial largo di 42km entre Viareggio y Massa.



Asina e cerebro artificial cu ta reduci gasto di energia di AI ta funciona

(infobae) - E tecnologia nobo ta permiti reconocimiento di patronnan cu casi 98% di exactitud y cu un consumo di energia hopi mas abao, habriendo porta pa dispositivonan autonomo inteligente unda energia y latencia ta factornan critico.

Un team di investigador na Universidad Nacional di Singapore a desaroya un arkitectura innovador di “computing-in-memory” (CIM) cu ta combina procesamiento y wardamento di dato den e mesun espacio fisico, un avance cu por transforma futuro di inteligencia artificial. Segun website di noticia tecnologico Tech Xplore, e sistema ta permiti modelonan di AI opera na velocidad halto mientras cu ta reduci consumo di energia na menos di mita compara cu metodonan tradicional.

E innovacion, cu ta usa un areglo di memristornan di hafnium selenide, ta surgi como respuesta na demanda creciente pa eficiencia den



procesonan di AI: entrenamiento di un gran modelo di idioma manera GPT-3 por rekeri mas cu USD 10 milyon y mas cu 700.000 liter di awa.

E característica aki ta bira relevante pa motibo di “bottleneck” imponi pa arkitectura tradicional di computernan. Profesor Ang Kah Wee, di Departamento di Ingenieria Electrico y Computacional na Universidad Nacional di Singapore, a splica cu mayoria di tempo y consumo di energia den tareanan di AI no ta bin for di procesamiento mes, sino for di movimiento di dato entre memoria y procesador.

E sistema desaroya, presenta den revista científico Nature Communications, ta elimina e transferencia ey: dato ta ser almacena y procesa den un solo luga usando memristornan, dispositivonan cu, diferente di transistor convencional, ta mantene estado di nan resistencia sin energia y ta traha den un manera analogo na sinapsisnan di cerebro humano.

Arkitectura y desempeño

E arkitectura ta basa riba un areglo di 1.024 memristor (matriz 32×32) di ‘hafnium selenide’, un material bidimensional cu ta rekeri poco energia y ta permiti cambion-

an di estado extremadamente rapido. Cada memristor ta acompaña pa un selector di silicon cu ta actua como un controlador di trafico pa preveni interferencia electrico no desea conoci como corriente parasitario.

E diseño uno-pa-uno aki ta haci facil controla cada unidad, ta permiti halto densidad di integracion y ta asegura compatibilidad cu procesonan standard di fabricacion di semiconductor.

E team a logra monta e delicado capa activo di e memristornan directamente riba substratonan di silicon sin daño, representando un bentaha critico pa eventual adopcion industrial.

E integracion di circuitonan periferico ta elimina necesidad di convertidornan analogico-digital convencional, reemplaza pa sensoran di dominio di tempo cu ta interpreta señalnan electrico segun e tempo necesario pa cambionan di voltahe ocurre. E metodo aki ta reduci signif-

icativamente tamaño y gasto di energia di e componen-

tenan. Den pruebanan realisa cu un simple red neuronal convolucional pa reconocimiento di patronnan, e sistema a logra un exactitud di 97,5%, practicamente igual na esun di sistemanan digital tradicional, pero cu consumo di energia significativamente mas abao.

E memristornan a demostra capacidad di cambio — e velocidad cu nan por sende y paga pa procesa dato — den nanosegundo y a resisti mas cu 26.000 ciclo di programacion sin degradacion visible.

E resultado ta posiciona e sistema aki como un alternativa viable pa aplicacionnan den “edge computing” — procesamiento di dato directamente riba e dispositivo, sin depende riba cloud — sistemanan autonomo y ambientenan unda energia ta un recurso critico y latencia mester keda minimalisa.

Cua oportunidad Tesla tin pa lidera mercado di robotaxi di \$10 triyon?

(Infobae) - Analistanan ta predici te 15 milyon recorido anual den Merca pa 2026.

Servicio di robotaxi ta mustando di ta e gran inversion di Tesla pa multiplica su crecimiento y consolida su liderazgo den industria di movilidad. Desaroyo di vehiculonan autonomo, hunto cu un enfoque riba produccion masivo y automatizacion, ta pusha e compania pa un oportunidad global di \$10 triyon.

Avancen reciente, expansion di pruebanan den ciudadnan clave y interes di inversionistanan ta reafirma e potencial transformador di e proyecto aki.

Con Tesla a pasa di pionero electrico pa referencia den robotaxinan Desde entrega di e prome Roadster na 2008, Tesla a establece e ritmo di innovacion den industria di auto. Modelonan manera Model S, Model X y Model Y a consolida su presencia den mercado di autonan electrico, mientras cu yegada di Cybertruck na december 2023 a expande su portafolio ainda mas.

Sinembargo, e salto real den



escala ta parece ta conecta cu desaroyo di robotaxi, un tecnologia cu ta modifica transporte urbano y ta representa un alternativa real pa serviccionan tradicional. E compania caba tin programanan piloto di robotaxi operativo den Merca. E estrategia ta sosteni pa capacidad di fabrica centenares di miles di unidadnan internamente, un bentaha riba competidornan manera Uber y Waymo, cu ta depende di tercer partido pa produci nan vehiculonan.

Director ehecutivo Elon

Musk a declara su intencion di expande e servicio pa un decena di mercado nobo den e proximo aña. E proyeccion aki ta sosteni pa integracion di inteligencia artificial y sistemanan di conduccion automatiza cu ta permiti vehiculonan opera den varios condicionnan, incluso anochi y den area cu poco visibilidad.

Crecemento di sector di robotaxi na Tesla Desaroyo di robotaxi ta avansando rapidamente den Merca. Tesla a expande e oranan permiti pa circulacion

di su vehiculonan autonomo, specialmente den ciudadnan unda demanda pa transporte anochi ta crece pa motibo di trabao, actividadnan gastonomico y eventonan. E cambio aki no solamente ta aumenta uso diario di autonan, sino tambe ta genera un volumen mas grandi di dato pa mehora entrenamento di sistemanan di inteligencia artificial.

Robotaxinan di Tesla, identifica como Cybercab, no tin stuurwiel ni pedalan. Nan ta ser maneha exclusivamente

pa sistemanan automatiza cu ta usa cameranan y algoritmonan pa interpreta ambiente y tuma decisionnan den tempo real.

Interaccion cu usuario ta ser haci pa medio di un aplicacion mobil, cu ta permiti pidi biahenan den un manera similar na otro plataformanan di transporte, aunke cu diferencia structural cu e vehiculo no ta rekeri intervencion humano.

Actualmente, robotaxinan ta circula den estadonan manera California y Texas. E compania ta planea extende su presencia pa Midwest y Costa Oriental, cu objetivo di instala e tecnologia aki como un parti regular di trafico urbano. Na Austin, e flota caba ta opera sin personal di seguridad abordo durante transporte anochi, representando un logro den autonomia di e sistema.

Proyeccionnan di industria ta sostiene e crecimiento acelera di e sector. Morgan Stanley ta calcula cu robotaxinan por haci aproximadamente 15 milyon recorido den Merca durante 2026.

Accidente pa falta di preferencia na crusada Rudolf Arendstraat cu Emmastraat



Diabierna mainta a drenta informe di un accidente cu hende herida na crusada Rudolf Arendstraat cu Emmastraat, mesora a

dirigi tanto polis como ambulance na e sitio.

Na yegada di e patruya a bin compronde cu aki ta trata

di un accidente pa falta di preferencia na e crusada unda un Toyota Vitz sin papelnan na ordo biniendo for di pabao no a duna preferencia na e Kia

Picanto di nort y e Picanto a dal e Vitz bir'e 90 grado. Debi na e impacto e chauffeur di e Picanto a resulta herida.

Na yegada di e ambulance nan a atende e victima na e sitio mes.

Chauffeur di pick-up a perde control y a bay dal palo di luz pabao di rotonde Tanki Flip



Diabierna mainta a drenta informe di un accidente cu hende herida pabao di rotonde Tanki Flip, mesora a dirigi tanto polis

como ambulance na e sitio.

Na yegada di e patruya a bin compronde cu e chauffeur di un pick-up a perde control y a bay dal riba un palo

di luz. Debi na e impacto ey e chauffeur a resulta herida. Na yegada di e ambulance nan a atende e victima herida.

Chauffeur no a calcula velocidad y distancia bon y a causa un accidente

Diabierna mainta a drenta informe di un accidente na Sero Patrishi, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente pa falta di preferencia unda un chauffeur di un Toyota Yaris a malcalcula e velocidad y distancia y a sali dilanti un Mitsubishi Lancer cu tabata tin preferencia cu velocidad



halto y a dal e Yaris. Debi na e impacto e chauffeur di e Lancer a resulta herida.

Na yegada di e ambulance nan a atende e victima y a transporte pa hospital.



Persona cu atrobe a huy for di un centro di cuido haya benta abao banda di caminda

Diabierna mainta a drenta informe i cu un persona a ser mira benta band'i caminda na Tanki Leendert, mesora a dirigi un patruya na e sitio.

Na yegada di e patruya a nota cu e persona ta un hende di

edad y ta levemente herida y a pidi un ambulance pa bin control'e.

Na yegada di e ambulans nan a atende y a logra saca afor cu aki ta trata di un cliente cu a huy for di un centro di cuido

den cercania y como e solo a dal e duro a bent'e abao.

Manera e ambulance a caba di atende nan a dun'e un lift bek pa e centro.



Accidente cu 2 hende herida riba caminda principal di Cura Cabay

Diasabra mainta a drenta informe di un accidente cu hende herida na Cura Cabay, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un Lexus no a regula su velocidad ni a mantene distancia a bay dal tras di un Toyota Yaris.


Bebi na e impacto 2 persona a resulta herida y mester a di-



rigi 2 ambulance na e sitio. Na yegada di e ambulance

nan a atende e victimanan.

Accidente na crusada di Calabas




Diasabra atardi a drenta informe di un accidente cu hende herida na e crusada di Calabas panort di Moko, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un auto di nort a bira pa bay na man robes mientras un auto Mazda Premacy di zuid (Moko) tabata bini cu hopi velocidad y a primi brake pero su auto a slip y a bay banda robes di su caminda y a dal semi frontal

cu e auto patras di esun cu a bira.

Na prome instante cu ambulance tabata t'ey ningun di e chauffeurnan tabata desea atencion medico di ambulance. Ta te despues di un rato cu e chauffeur di e Mazda a cuminsa haya un atake na curason a bolbe pidi ambulance pa bini na e sitio. Na yegada di e ambulance nan a atende cu e victima y a avisa pa prepara e camber di cardio pa asina atende e chauffeur victima y nan a sali bay cun'e pa hospital.

Bringamento cu hincamento na Kamerlingh Onnesstraat, polis a detene 2 sospechoso



Diadomingo marduga a drenta informe di un pelea na Watergate mesora a dirigi patruyanan na e sitio.

Na yegada di e prome patruyanan a bin compronde cu

tin un caso di hincamento y a pidi presencia di ambulance cu urgencia. Mientras mas polis a yega a bin logra detene 2 persona mas na e sitio y por a compronde cu tin un victima mas pero lo a bandona

e sitio. Na yegada di e ambulance nan a atende e victima di hinca y a transporte cu urgencia pa hospital.

Mientras e 2 sospechosonan a ser hiba warda di polis.

Cu urgencia ambulance a presenta pa persona sinta den auto den parkinglot cu no tabata reacciona

Diasabra atardi a drenta informe di cu un dama no tabata reaccionando den un auto Kia Rio den e parkinglot di Double Down na Eagle, mesora a dirigi un ambulance na e sitio.

Na yegada di e ambulance a rondia rond pero no a mira

nada y e hendenan a keda wak manera kico ambulance ta buscando. Un rato despues e ambulance a bolbe ser yama pero e victima tabata den e lugar y e ambulance a regresa.

Na nan regreso a atende e dama y a transporte pa hospital.



Ambulance a bay pa un hungando di basket cu a cay riba su brasa y ta kere a fractur'e

Diadomingo mainta a drenta informe di cu un homber di 50 aña a cay riba su brasa y ta kere cu e lo a fractur'e hungando basket na Centro Deportivo Frans Figaroa, mesora a dirigi un ambulans na e sitio.

Na yegada di e ambulance nan a atende e homber y a transporte pa hospital.



Durante un pelea na Dakota, a ranca brasa den gips di un hoben



Diadomingo mainta a drenta informe di cu tin un pelea andando y tin hende herida den Baco-

bastraat na Dakota, mesora a despacha patruyanan y ambulance na e sitio.

Na yegada di e patruya a bin compronde cu esnan cu a bin bringa a bay caba pero e hoben di 20 aña cu tabata tin



su man den gips nan a ranca brasa den gips y ta kehando di hopi dolor.

Na yegada di e ambulance nan a atende e hoben pa su dolor.

Persona a cay flauw na cas ora a mira polis yega tras di su yiu debi na un persecucion



Diadomingo mainta tempran riba DIA di MAMA, un mama ta mira su yiu yega cu polis su tras y ta detene despues di un persecucion, esaki lo a pone e mama cay flauw y a pidi ambulance p'e.

Na yegada di e ambulance nan a atende e dama y a transporte pa hospital. Mientras polis a detene e yiu y a confisca e auto envolvi.

Keda pendiente pa mas informacion di e caso aki y otro casonan.

Polis a detene homber burachi canando na Dominicanessenstraat

Diahuebs atardi polis a ricibi informendi cu tin un homber burachi ta cana zig zag riba Dominicanessenstraat, mesora a dirigi un patruya na e sitio.

Na yegada di e patruya a bin topa un homber bao influen-

cia canando zig zag y a acerke. A bin resulta cu e homber tabata burachi y a detene mesora. A pidi e vehiculo di transporte si C.E.A. pa bin busk'e y hib'e na warda di polis unda eyan el a keda deteni te ora cu su wayaba pasa.



Dia di Museo na MANA cu intercambio cultural, inspiracion, creatividad y paz



Dialuna Dia 18 di Mei Museo Arqueologico Nacional Aruba (MANA) ta habri su portanan pa celebra Dia internacional di Museo 2026 cu un orario adapta.

E dia lo ta yena di programa special y actividadnan varia pa publico. MANA lo habri di 9'or di mainta pa 9'or di

anochi y ta invita tur hende pa bin hunto y celebra un atardi y anochi special. Entrada ta completamente gratis

ICOM (Conseho Internacional di Museo) a stipula e tema pa Dia Internacional di Museo 2026: "Museonan cu ta uni un Mundo Dividi". E meta di Dia Internacional di Museo ta pa crea conciencia

cu "Museonan ta un medio importante pa intercambio cultural y pa e desaroyo di comprendimento mutuo, cooperacion y paz." ICOM ta encurasha museonan pa durante Dia di Museo 2026 crea experiencianan acesibel pa publico y pa demonstra nan compromiso na unidad, dialogo y paz. Cuminsando e dia, e pro-

grama 'Nos Mainta' lo transmiti en bibo for di MANA via TeleAruba pa comparti cu comunidad tur local ta pasando durante e celebracion. Pa 12.15'or di merdia arkeologo drs. Harold Kelly lo ofrece un guia special pa esnan cu ta interesa den esaki.

Arkeologo drs. Raymundo Dijkhoff lo duna un lectura cu informacion nobo y baliOSO titula: A secondary burial of a Woman, Child and Monkey @ Isla: The Oldest Burial Site in Aruba". E prome ses-

sion lo ta pa 3'or di atardi y e di dos pa 6.30' or di anochi.

Exposicionnan temporario tambe lo ta habri y algun di e artistanan lo ta presente pa intercambia cu publico. Bernadette van der Klooster lo duna su Artist Talk impresionante y e artistanan hoben cu a expone den e exposicion colorido y caluroso "Parha di Aruba" tambe lo duna informacion na e bishitantenan cuminsando for di 4'or di atardi. Alavez algun di e hobennan lo duna un tayer gratis di traha parha di origami pa asina cada bishitante por colga nan mes un parha di paz den hardin di MANA.

Durante e atardi y anochi, publico lo por disfruta di musica y canto bibo y declamacion di poesia. Entre 6.30 y 7.30'or di anochi tin oportunidad pa esnan cu ta desea pa presenta durante un ora di 'open mike'. Lo tin algun pasa boca y coi bebe y actividadnan interactivo pa famia.

MANA ta invita henter comunidad di Aruba pa bin celebra Dia Internacional di Museo dia 18 di mei, den un atmosfera di intercambio cultural, inspiracion, creatividad y paz.



Resultado Sorteo 09 y 10 Mei 2026																																																																																													
Cadena Alexander Lottery ta presenta resultado di weganan di suerte																																																																																													
<table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>1429</td><td>4464</td><td>718</td><td>1800</td></tr><tr><td>8654</td><td>5026</td><td>SUPER5</td><td>3257</td></tr><tr><td>5678</td><td>8855</td><td>-</td><td>2745</td></tr></table>				DIADOMINGO				DIARIO	KORSOU	SUPER4	FLAMINGO	1429	4464	718	1800	8654	5026	SUPER5	3257	5678	8855	-	2745																																																																						
DIADOMINGO																																																																																													
DIARIO	KORSOU	SUPER4	FLAMINGO																																																																																										
1429	4464	718	1800																																																																																										
8654	5026	SUPER5	3257																																																																																										
5678	8855	-	2745																																																																																										
<table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>2399</td><td>6707</td><td>4265</td><td>3355</td></tr><tr><td>0504</td><td>8921</td><td>SUPER5</td><td>3462</td></tr><tr><td>6892</td><td>8433</td><td>-</td><td>9280</td></tr></table>				DIADOMINGO				DIARIO	KORSOU	SUPER4	FLAMINGO	2399	6707	4265	3355	0504	8921	SUPER5	3462	6892	8433	-	9280																																																																						
DIADOMINGO																																																																																													
DIARIO	KORSOU	SUPER4	FLAMINGO																																																																																										
2399	6707	4265	3355																																																																																										
0504	8921	SUPER5	3462																																																																																										
6892	8433	-	9280																																																																																										
MERDIA		ANOCHI																																																																																											
<table><tr><td></td><td></td></tr><tr><td>Sorteo # 4969</td><td>Sorteo # 6843</td></tr><tr><td>4436</td><td>4196</td></tr><tr><td>5938</td><td>4542</td></tr><tr><td>9395</td><td>4049</td></tr><tr><td></td><td></td></tr><tr><td>X5</td><td>x2</td></tr><tr><td></td><td></td></tr><tr><td>Sorteo # 4969</td><td>Sorteo # 7887</td></tr><tr><td>2504</td><td>8497</td></tr><tr><td></td><td></td></tr><tr><td>X2</td><td>x3</td></tr><tr><td></td><td></td></tr><tr><td>Sorteo # 3025</td><td>Sorteo # 2592</td></tr><tr><td>1227</td><td>0083</td></tr><tr><td></td><td></td></tr><tr><td>Sorteo # 4969</td><td>Sorteo # 6646</td></tr><tr><td>6369</td><td>9538</td></tr><tr><td>Geminis</td><td>Tauro</td></tr><tr><td></td><td></td></tr><tr><td>Sorteo # 1843</td><td>Sorteo # 1576</td></tr><tr><td>190</td><td>130</td></tr><tr><td></td><td></td></tr><tr><td>X5</td><td>x3</td></tr></table>				Sorteo # 4969	Sorteo # 6843	4436	4196	5938	4542	9395	4049			X5	x2			Sorteo # 4969	Sorteo # 7887	2504	8497			X2	x3			Sorteo # 3025	Sorteo # 2592	1227	0083			Sorteo # 4969	Sorteo # 6646	6369	9538	Geminis	Tauro			Sorteo # 1843	Sorteo # 1576	190	130			X5	x3	<table><tr><td></td><td>03-16-20-27-28</td></tr><tr><td>Sorteo # 2695</td><td>Joker 5 Letter L</td></tr><tr><td>0 x Jackpot</td><td>Proximo Jackpot</td></tr><tr><td>2 x Match 4+</td><td>280.000,-</td></tr><tr><td>5 x Match 4</td><td></td></tr><tr><td>159 x Afl. 12,00</td><td></td></tr></table> <table><tr><td></td><td>01-08-10-23-30</td></tr><tr><td>Sorteo # 7175</td><td>Proximo Jackoot</td></tr><tr><td>0 x Jackpot</td><td>52.000,-</td></tr><tr><td>2 x Match 4</td><td></td></tr><tr><td>126 x Afl. 8,00</td><td></td></tr></table> <table><tr><td></td><td>Mega Ball</td></tr><tr><td>Sorteo # 1868</td><td>Proximo Jackpot</td></tr><tr><td>0 x Jackpot</td><td>525.000,-</td></tr><tr><td>0 x match 4</td><td></td></tr><tr><td>0 x Afl. 500,00</td><td></td></tr><tr><td>0 x Afl. 50,00</td><td></td></tr><tr><td>0 x Afl. 15,00</td><td></td></tr></table> <table><tr><td></td><td>Afl. 1.625.000,-</td></tr></table> <table><tr><td></td><td>Sorteo #</td></tr><tr><td>Sorteo #</td><td></td></tr></table> 			03-16-20-27-28	Sorteo # 2695	Joker 5 Letter L	0 x Jackpot	Proximo Jackpot	2 x Match 4+	280.000,-	5 x Match 4		159 x Afl. 12,00			01-08-10-23-30	Sorteo # 7175	Proximo Jackoot	0 x Jackpot	52.000,-	2 x Match 4		126 x Afl. 8,00			Mega Ball	Sorteo # 1868	Proximo Jackpot	0 x Jackpot	525.000,-	0 x match 4		0 x Afl. 500,00		0 x Afl. 50,00		0 x Afl. 15,00			Afl. 1.625.000,-		Sorteo #	Sorteo #	
																																																																																													
Sorteo # 4969	Sorteo # 6843																																																																																												
4436	4196																																																																																												
5938	4542																																																																																												
9395	4049																																																																																												
																																																																																													
X5	x2																																																																																												
																																																																																													
Sorteo # 4969	Sorteo # 7887																																																																																												
2504	8497																																																																																												
																																																																																													
X2	x3																																																																																												
																																																																																													
Sorteo # 3025	Sorteo # 2592																																																																																												
1227	0083																																																																																												
																																																																																													
Sorteo # 4969	Sorteo # 6646																																																																																												
6369	9538																																																																																												
Geminis	Tauro																																																																																												
																																																																																													
Sorteo # 1843	Sorteo # 1576																																																																																												
190	130																																																																																												
																																																																																													
X5	x3																																																																																												
	03-16-20-27-28																																																																																												
Sorteo # 2695	Joker 5 Letter L																																																																																												
0 x Jackpot	Proximo Jackpot																																																																																												
2 x Match 4+	280.000,-																																																																																												
5 x Match 4																																																																																													
159 x Afl. 12,00																																																																																													
	01-08-10-23-30																																																																																												
Sorteo # 7175	Proximo Jackoot																																																																																												
0 x Jackpot	52.000,-																																																																																												
2 x Match 4																																																																																													
126 x Afl. 8,00																																																																																													
	Mega Ball																																																																																												
Sorteo # 1868	Proximo Jackpot																																																																																												
0 x Jackpot	525.000,-																																																																																												
0 x match 4																																																																																													
0 x Afl. 500,00																																																																																													
0 x Afl. 50,00																																																																																													
0 x Afl. 15,00																																																																																													
	Afl. 1.625.000,-																																																																																												
	Sorteo #																																																																																												
Sorteo #																																																																																													
DIADOMINGO MERDIA																																																																																													
<table><tr><td></td><td></td></tr><tr><td>Sorteo # 4970</td><td>Sorteo # 4970</td></tr><tr><td>7327</td><td>5850</td></tr><tr><td>4163</td><td>4163</td></tr><tr><td></td><td></td></tr><tr><td>FP</td><td>FP</td></tr><tr><td></td><td></td></tr><tr><td>Sorteo # 4970</td><td>Sorteo # 4970</td></tr><tr><td>2169</td><td>2169</td></tr><tr><td></td><td></td></tr><tr><td>FP</td><td>FP</td></tr><tr><td></td><td></td></tr><tr><td>Sorteo # 3026</td><td>Sorteo # 3026</td></tr><tr><td>4554</td><td>4554</td></tr><tr><td></td><td></td></tr><tr><td>Sorteo # 4970</td><td>Sorteo # 4970</td></tr><tr><td>8941</td><td>8941</td></tr><tr><td>Geminis</td><td>Geminis</td></tr><tr><td></td><td></td></tr><tr><td>Sorteo # 1844</td><td>Sorteo # 1844</td></tr><tr><td>343</td><td>343</td></tr><tr><td></td><td></td></tr><tr><td>X5</td><td>X5</td></tr></table>				Sorteo # 4970	Sorteo # 4970	7327	5850	4163	4163			FP	FP			Sorteo # 4970	Sorteo # 4970	2169	2169			FP	FP			Sorteo # 3026	Sorteo # 3026	4554	4554			Sorteo # 4970	Sorteo # 4970	8941	8941	Geminis	Geminis			Sorteo # 1844	Sorteo # 1844	343	343			X5	X5																																														
																																																																																													
Sorteo # 4970	Sorteo # 4970																																																																																												
7327	5850																																																																																												
4163	4163																																																																																												
																																																																																													
FP	FP																																																																																												
																																																																																													
Sorteo # 4970	Sorteo # 4970																																																																																												
2169	2169																																																																																												
																																																																																													
FP	FP																																																																																												
																																																																																													
Sorteo # 3026	Sorteo # 3026																																																																																												
4554	4554																																																																																												
																																																																																													
Sorteo # 4970	Sorteo # 4970																																																																																												
8941	8941																																																																																												
Geminis	Geminis																																																																																												
																																																																																													
Sorteo # 1844	Sorteo # 1844																																																																																												
343	343																																																																																												
																																																																																													
X5	X5																																																																																												



Cas Di Cultura
Vondellaan 2
Tel: 582-1010

F A D A
Campanastraat 5
Tel: 583-2999
Tel: 583-9610

F A V I
Primavera 233
Tel: 582-5051
Tel: 582-5222

F E P O
Engelandstraat 15
Tel: 583-1016
Tel: 583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
Tel: 588-1179

**Fundacion Pa Nos
Muchanan**
Cumana 2
Tel: 583-4247

**Fundacion Tel Pa
Hubentud**
Wilhelminastraat 19
Tel: 588-6138

**Koningin Wilhelmina
Fonds**
Spinozastraat 9
Tel: 582-0412

Mary Joan Foundation
Sabana Blanco 8
Tel: 588-9999

Rode Kruis Aruba
Pedro Gallegostraat 14
Tel: 582-2219
Fax: 588-3376

Famia Planea (SBVO)
Ave. Milio J Croes 17 B
Tel: 588-9591
www.famiaplanea.org
famiaplanea@hotmail.com

Fundacion Guia Mi
George Madurostraat 34
Tel: 582-0088

Y M C A
Calbasstraat 1
Tel: 582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad | **San Nicolas**
Hospital | **Imsan**
7:00 pm / 10:00 pm | 24 ora

Botica na warda

Oranjestad: del Pueblo
Tel. 582 1253

San Nicolas: Aloe
Tel. 584 4606

Emergencia

Polis Oranjestad	100
Polis San Nicolas	104
Polis Santa Cruz	105
Polis Noord	107
Tip Line	11141
Brandweer	115
Ambulans	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Botica

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

Utilidad

Setar	117
Web	525-4600
Elmar	523-7147

Funeraria

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

TAXI

**Aruba Transfer Tour &
Taxi C. A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Prome minister di Tailandia Thaksin lo sali den libertad for di prison

(AFP) - Tailandia su prome minister Thaksin Shinawatra ta den plan di sali for di prison riba dialuna, aumentando e prospecto di un regreso na bista publico pa e forsa politico.

E biyonario di telecomunicacion di 76 aña, a cumpli un sentencia di 1 aña den prison pa corrupcion, cual el a cuminsa cumpli den september. Su libertad lo cuminsa dialuna mainta, cu e requisito di bisti un monitor electronico te cu su libertad condicional caba den 4 luna.

Thaksin su mashin politico tin 2 decada caba como un rival clave di Tailandia su elite pro-hercito y pro-realesa cu ta mira su marca populista como un menasa na e orden social tradicional.

Su partido Pheu Thai, y su iteracionnan anterior, tabata e pais su partido mas exitoso di e siglo 21, cu e famia Shinawatra produciendo 4 prome minister y generando sosten amplio fir di e poblacion mas aparta.

Sinembargo Pheu Thai su inclusion den e coalicion di e prome minister conservativo Anutin Charnvirakul a laga habri e posibilidad di e regreso politico.

Pa su sostenedornan mas fanatico, Thaksin su liebracion lo “fortalece Pheu Thai den termino corto pa motibo cu hende lo sinti cu e doño di Pheu Thai tey back,” profesor di ciencia politico Wanwichit Boonprong.

Sinembargo Thaksin su “enemigonan bieu, e conservativonan” lo rally rond di Anutin, ken “tin loke Thaksin no tin - e confiansa di elite,” Wanwichit a agrega.

E conservativonan anti-Thaksin lo “uni y enfoca riba Thaksin su proximo movida - y si e lo keda leu di politica of no.”



Pronostico di tempo

Tempo:

Awe tardi y awe nochi: parcialmente nubla y generalmente seco

Den marduga y mañan: parcialmente nubla sin awasero di importancia.

Temperatura maximo 33 grado celsius

Temperatura minimo 27 grado celsius


Indice di calor (heat index) den y rond di oranan di merdia: 34 pa 38 grado celsius
UV index: 12

Bahada di solo : 6:56 pm
Subida di solo : 6:17 am

Biento:

Moderate te basta fuerte for di direccion oost;
Forsa 4 te 5 (20 te 39 km/ora, 11 te 21 nudo).
Den dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:
Extension di e area di presion halto riba Atlantico lo ta e factor dominante pa weer den region. Esaki lo mantene



condicionnan generalmente seco durante e periodo di pronostico aki.

Condicionnan maritimo/estado di lama:

Na partinan protegi di costa: Keto cu olanan rond di 1 pia.
Na partinan zuid protegi: trankil, 1 te 2 pia.
Na partinan zuid no protegi: trankil cu olanan alrededor di 2 pia, localmente 3 pia.
Na partinan oost te noordwest di costa: Generalmente modera cu olanan alrededor di 4 pa 6 pia.

Aviso/alerta:

Operadornan di boto chikito mester bay cu cautela na partinan oost te noordwest di costa.

Aurora

Royal Pray

Funeral Home & Crematory

Considera esaki como puru goso, mi rumannan, ora boso haya boso mes den diferente pruebanan, sabiendo cu e prueba di boso fe ta produci perseverancia.
Santiago 1:2-3

Cu hopi tristesa y cu profundo dolor den nos curason, pero conforme boluntad di Dios, nos ta anuncia cu a bai laga nos inespera, nos yiu, ruman, nieto, sobrino, primo, ompi y amigo stima:



Marco Alejandro Maduro
"Here for a good time, not a long time"
11-04-'88 -- +28-04-'26

Na number di su

Mama:
Linda Tromp
Rumannan :
Kim Maduro y Ryan Cangieter
Desiree Maduro y Hendrik Bareño
Jeremy Maduro

Sobrino y Sobrinnan:
Wensley Thijsen, Angelina Cangieter, Rysheila Cangieter ,
Marc Cangieter, Xion Cangieter

Welo y welanan :
+Alejandro "Pancho" Maduro y vda. Maria Asuncion Maduro-Kelly
+ Jozef "Cheppy" Tromp y + Rosa Maria Tromp-Lopez

Tanta y Omonan:
Mildred "Mimi" Tromp, Lesley Burke, Jenny y Alwin Boekhoudt, + Mirto y vda. Maria Maduro, Maria y Paul Maduro, Macia Maduro, Reynaldo y Harmien Maduro, Suzy y Nico Arts, Mirla y Ernesto Suarez

Prima y Primonan:
Alton Burke, Indirah Burke, Anuar Burke, Josette Burke, Jennaline Boekhoudt, Maryline Boekhoudt, Rozeline Boekhoudt, Ilyana Maduro, Nunette Maduro, Nicole Maduro, Valerie Maduro, Ian Richardson, Stephanie Richardson, Marisa Maduro, Sarah Maduro, Laura Maduro, Tara Mae Maduro, Melodie Suarez y nan famia.

Iha: Nohlan Burke

Bon amigonan: Franco v/d Linde, Xander Croes, Alex Geerman, Andreina Jansen, Aurienne Krozendijk, Tito Nicolaas, Karl vd Wall Arneman.
Amigonan di cas: Frank, Rosaira y Daniel Berkley, Lei Chin y Famia , Famia van der Mark
Mascotanan stima: Lucy y Albus Maduro

Demas famia, amigo/amiga nan y conocirnan na Aruba, Curaçao y Hulanda, ex-coleganan di Hertz y coleganan di Sky Laundry
Despedida ta tuma laga diamars dia 12 di mei 2026 na Royal Funeral Home di 2or pa 4or di atardi, y despues ta hibe pa su ultimo laga di sosiego na Sabana Basora.
Despues di entiero no ta ricibi bishita di condolencia na cas
Nos disculpa si den nos tristesa nos a lubida di menciona cualkier persona.

Aurora

Royal Pray

Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23

Nos ta anuncia fayecimento di:



Sra. Modesta Dominga Wolff-Tromp
"Cariñosamente yama:" Machi"
*24-02-1930 †06-05-2026

Na number di su:
Esposo stima: †Thomas Wolff
Yiunan: Goya Wolff
Ludwina Wolff y esposo Porfirio Croes
Glenda Wolff
Marina Wolff
Danilo Wolff
Susanne Wolff & Jose Blanco

Manera yiu nan: Pedro Figaroa
Mayra Oduber
Agapito Wolff

Nieto(a)nan: Shadey, Jonathan, Allan, Derrick, Jane-Ann, Angelo, Juni, Sergio, Jun-Patrick, Ricardo, Darryl, Jun-Andrew, Rinaldo, Leroy, Tamisha, Rachelle, Darlin, Destiny

Ruman nan: †Yohanita Tromp
Nicolina Tromp
†Simon Tromp

Bisanieto(a)nan, tataranieto, sobrino(a)nan, primo(a)nan, comer y compernan, ihanan y bon bisinanan.

Bon Amiga y bon bisña: Betty Tromp y famia

Caretaker: Emma Luque "Zuli"

Demas famia nan: Wolff, Tromp, Werleman, Loopstok, Croes, Figaroa, Peña, Oduber, Zuca, Bahali, van der Zanden, Kwee, Karyodinamo, Clarinda, Navas, Lynch, Henriquez & Grupo Bini Bini

Nos disculpa si den nos tristeza nos por a lubida algun miembro di famia.
Condolencia lo tuma lugar Diabierna 15 di Mei 2026 na Aurora Funeral Home, di 7or pa 9or di anochi.
Acto di entiero lo tuma lugar Diasabra 16 di Mei 2026 di 2or pa 4or di atardi na Misa Santa Anna na Noord y despues lo sali pa Santana Catolico na Noord.

Aurora

Royal Pray

Funeral Home & Crematory

Laga tur cu ta spera mi ta bunita,
Laga tur locual mi encontra na caminda ta bunita,
Laga tur locual mi LAGA ATRAS KEDA BUNITA,
Laga esaki nan termina den tur bunitesa.

Cu dolor na nos curazon i pa tur locual e la nifica pa nos,
nos ta participa fayecimento di nos esposo, tata, welo, tio stima:



John Dominico Rijke
*10 Juni 1950 - †3 Mei 2026

Na number di su:
Esposa : Miladys Rijke Perez Bermudez

Yiunan:
Sharleen Zimmerman & yiunan
Sharlene Zimmerman & yiunan
Julissa Rijke & Michel Raphaela & yiu
†Jason Rijke
Jamelis Rijke & yiunan
John Rijke & Marianne Angela & yiunan
Jurybeth Kock-Rijke & Daniel Kock

Manera yui: Xavier Farro

Mama di su yiunan:
Anna Zimmerman
Omayra Lampe

Nieto & Nieta nan:
Suecyene, Gillary, Ayixa, Shakayla, Tysha, Sharriley, Jaheem, Dionry, Zaily, Thais, Quilienshelly, Q-vion, Jayrienne, Jaymilaine, Jayxilienne.

Bisanieto(a)nan:
Xafira, Zyon, Nicholas, Milley, Ri-jenno, Kehlan
Rumannan:
†Irene & Eric "Richi" Jansen & famia
†Alex Rijke
Myrtha Rijke & famia (Curacao)
Rudolf "Rudy" & Greta Rijke & famia
†Erno Rijke & yui
Maria "Magda" Rijke & famia (Hulanda)
Milva Jacobs

Tanta: Yvonne Dest

Ruman di criansa: Olivia Jaccopucci & famia

Tur subrino y subrinanan, primo y primanan, cuña y swanan, bisinanan, conocirnan y amigonan, ex-colega nan di APPA (Don Andres) & DOW.

Su ex nuero: Sabio Lints

Su cuidadora: Irma Duran & Roel Igancio & famia.

Demas famia: Rijke, Perez Bermudez, Duran, Lampe, Zimmerman, Croes, Jansen, Jacobs, Lints, Angela, Raphaela, Kock, Schmidt, deLeon, Ras, Begga, Meyer, Albus, Lindo, Jaccopucci, Thiel, Farro, Webb, Kelly, Marquita, Figueroa, Varlack, Thompson, Frans, Casper, Tromp, de Mey, Krozendijk, Eckmeyer, Hamlet, Willems, Dest

Demas famia na Hulanda, Curacao, Bonairo y Colombia.

Ta invita pa acto di entiero cual lo tuma lugar na Aurora Funeral Home diamars 12 Mei 2026 di 2 or pa 4or di atardi. Despues lo sali pa Santana Pastoor Kraanwinkel na Paradera.

Nos kier a pidi nos disculpa si nos lo por a lubida un of otro famia of conocir den nos tristesa.

Despues di condolencia nos no lo ricibi bishita di condolencia na cas.

Por sigi e despedida riba livestream na: <https://youtube.com/@obituaryarubai9144?si=6ixaP659DOtj7VH>

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Elsa Rosaria Croes
*28-07-1955 - †07-06-2026

Acto di entiero lo wordo anuncia despues.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu dolor na nos curason nos ta anuncia fayecimento di
nos ser stima:



Rosita Filomena Dubero-Croes
**Mihor conoci como: “Roosje, Chat,
Ma’Ita**
***13-01-1952 - †04-05-2026**

Na number di su:
Tata: †Roman Croes
Mama: †Marcolina “Colin” Maduro
Casa: Jossy Dubero
Su yiunan stima:
Regmy y Natalie Dubero
Gorvan Dubero y Marc Ras

Nieto y Nietanan:
Regmy Jr. “Andy” Dubero
Nahely Dubero
Suchely Dubero

Rumannan:
Vda. Reineta Rasmijn-Croes y famia
Julieta Croes y famia
†Margarita Croes y famia

Suegro y Suegra:
†José Dubero y Marina Dubero-Wernet
Swa y Cuñanan:
Regina y Karel Burger y famia
Vda. Enrica Kock y famia
Esmeralda Dubero y famia
Robby Dubero y Dayna Leon y famia
Elvira Maduro y famia
Deta y Dolfi Rodgers y famia
Vdo. John Dubero y Angela Kock y famia
Vda. Rosseti Schenker y famia
David y Luciana Dubero y famia
Randy Wester y famia

Amiganan stima: Thelma, Rubia, Martha.

Subrino y subrinanan, primo y primanan, su bon bisiñanan,
especialmente Elvia y Randy Boezem y demas famia: Croes,
Rasmijn, Henriquez, Hernandez, Maduro, Dubero, Kock,
Raphaella, Rodgers, Janga, Schenker, Vos.

Disculpa nos si den momento di nos dolor nos por a lubida
un number.

Ta invita pa e acto di despedida cu lo tuma lugar dialuna 11
di mei 2026 na Aurora Funeral Home di 2:00 pa 4:00 pm.
Cremacion ta tuma lugar den seno di famia.

Aurora

Royal Pray

Funeral Home & Crematory

Nos ta anuncia fayecimento di:



Jozef Errol Statius
Mihor conoci como: Roy of Bashaka
27 August 1952 – *6 May 2026

Acto di entierro lo wordo anuncia despues.

Aurora

Royal Pray

Funeral Home & Crematory

Dios ta nos refugio,
E ta nos fortaleza,
El a resulta un yudador den mester.
Salmo 46:1

Cu inmenso dolor na nos curason, nos ta anuncia
fayecimento di:



**Kenneth Glenn
Lynch**
***13-09-1966 - †02-
05-2026**

Acto di despedida
lo wordo anuncia
despues.

Aurora

Royal Pray

Funeral Home & Crematory

Mi Dios, Mi Señor, Mi Salbador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curazon i pa tur locual e la nifica pa nos,
nos ta participa fayecimento di nos ser stima:

**Rolando Inesio
Theysen**
**Cariñosamente
yama “Roy”**
***18-04-1947 -
†07-05-2026**

Acto di entierro
lo wordo anuncia
despues.



Florida kier sa si por acusa ChatGPT den un asesinato



(AFP) - Prome cu el
a los tiro na Flori-
da State University
aña pasa, lagando 2
morto y 6 otro per-
sona herida, Phoenix
Ikner a tin un comb-
ersacion.

No cu un amigo, un
mayor of ken cu por a
convence di no comete
e crimen - sino cu un
chatbot di AI.

Segun evidencia cu
Procurador General a
haya, e estudiante a pidi
ChatGPT cua arma y
municion lo ta miho
adecua pa e atake aki, y
ki tempo y unda e por
haci e mayor cantidad
di daño.

E chatbot, segun inves-
tigadornan, a contesta
su preguntanan.

Awo Procurador Gen-
eral James Uthmeier
kier sa si esaki ta haci
OpenAI un criminal.

“Si loke tabata di otro
banda di e pantaya ta-
bata un persona, nos lo
a acus’e cu homicidio,”
el a bisa, anunciando
un investigacion crimi-
nal contra ChatGPT su
creador OpenAI y lag-
ando habri e posibilidat
di cargo contra e com-

pania y su emplead-
onan.

E caso alrededor di e
tiroteo cu a tuma lug-
a na april di 2025, e tiroteo a lansa un pregunta
provocativo den e spot-
light legal: E creadornan
di inteligencia artificial
por para responsable
criminalmente pa e rol
cu nan AI a hungad en
un crimen - of te hasta
un suicidio?”

Expertonan legal ta bisa
cu e ta un proposicion
realistico, pero tambe
profundamente com-
plica.

Persecucion criminal di
corporacion ta posible
bao ley di Merca, aunke
nan ta keda relativa-
mente tiki comun.

Fin di luna pasa, Pur-
due Pharma a ser golpia
cu mas di \$5 biyon den
boet criminal y castigo
pa su rol den impulsa e
crisis di opioide.

Volkswagen anterior-
mente a ser declara cul-
pable den e scandal di
emision, Pfizer pa su
promocion di medica-
mento anti-inflamato-
rio Bextra y Exxon pa
Exxon Valdez su basha
di petroleo na Alaska.



FIND US ON
@bon.dia.aruba
ALSO AVAILABLE ON
f i d t

Avion ta dal peaton mata na aeropuerto di Denver

(AFP) – Un persona a bula un heki di perimetro y un avion saliendo di Aeropuerto Internacional di Denver a dal e, cu consecuencia cu e persona a muri den e incidente, e aeropuerto a bisa diasabra.

Vuelo 4345 di Frontier Airlines a aborta su salida despues cu a dal un persona alrededor di 11:19 diabierna nochi, e aeropuerto a bisa.

“DEN por confirma cu e peaton a bula e heki di perimetro y a keda golpia apenas dos minuut despues mientras e tabata crusa e pista,” e declaracion ta bisa. “E peaton a fayece, y no ta kere cu e tabata un empleado di e aeropuerto, y tampoco a keda identifica.”



E persona morto “tabata al menos parcialmente consumi pa un di e motornan,” ABC News a reporta citando un oficial no identifica.

Rapidamente a evacua e avion, y 12 pasahero abordo a

reporta herida menor; cinco a keda transporta pa hospitalnan local, e aeropuerto a bisa.

E avion, Airbus A321 destina pa Los Angeles tabata transportando 224 pasahero y siete miembro di tripulacion, se-

gun Frontier.

Minister di Transporte Mericano, Sean Duffy a bisa cu agencianan local di ley ta investigando. “Ayer nochi laat, un invasor a viola seguridad di e aeropuerto na Aeropuerto Internacional di Denver, deliberadamente a subi un heki di perimetro, y a core riba un pista,” y e avion a dale “durante lantamento na un velocidad halto,” Duffy a bisa den un post riba X. “Ningun persona mester invadi un aeropuerto NUNCA,” Duffy a skirbi.

E aeropuerto a examina e heki y a hay’e intacto, a bisa. “Nos ta stop riba e pista, nos a caba di dal un persona, nos tin un candela di motor... Ta-

batin un individuo ta cana riba e pista,” un piloto a bisa control di trafico aereo, segun audio di ATC.com.

Departamento di Bombero di Denver a bisa cu un candela breve di motor a keda controla despues di e incidente.

Hunta Nacional di Seguridad di Transporte a keda notifica, y pista 17L na Aeropuerto Internacional di Denver ta bay keda cera durante e investigacion. “Nos ta investigando e incidente aki y colectando mas informacion den coordinacion cu e aeropuerto y otro autoridadnan di seguridad,” Frontier Airlines a bisa. “Nos ta profundamente tristo pa e evento aki.”

Merca ta reporta dos morto y un sobreviviente den atake mas recien contra boto

(AFP) – Ehercito Mericano a bisa den weekend cu a dal otro boto acusa di trafica droga den oriente di Ocean Pacifico, matando dos persona y lagando un sobreviviente.

E atake mas recien – cu ta sigui decenas di atake similar den lunanan recien – ta trece e cantidad total di morto den e campaña Mericano na al menos 192, segun un conteo di AFP.

Comando Sur di Merca (SOUTHCOM) a bisa cu un persona a sobrevivi e atake, sin specifica nan condicion, agregando cu wardacosta Mericano a keda notifica pa



lansa un mision di buskeda y rescate.

Igual cu atakenan anterior, SOUTHCOM a bisa riba X cu e boto ataca tabata “opera pa Organisacionnan Terrorista Designa” y cu “inteligencia a confirma cu e boto tabata

transitando riba un rutan conoci di traficacion narco.”

Video blanco cu preto compañando e post ta muestra un boto chikito ta move riba awa prome cu un proyectil ta dal e, sigui pa un explosion gran-

di.

Administracion di presidente Donald Trump a cuminsa ataca supuesto botonan di traficacion na comienso di september ultimo, insistiendo cu efectivamente ta den guerra contra loke ta yama “narco-terrorista” operando for di America Latino.

Pero su administracion no a duna evidencia definitivo cu e botonan cu ta atacando ta involucra den trafico di droga.

Expertonan legal y gruponan di derecho ta sugeri cu e atakenan por conta como ehecucion extrahudicial pasobra aparentemente a ataca civil cu

no ta presenta un riesgo inmediato pa Merca.

E atake aki tabata al menos e di dies den un luna.

E atakenan mortal a marca un cambio skerpi den e maneho di Merca contra trafico di droga, cual historicamente a enfoca riba intercepta boto y confisca e material.

Ehercito Mericano no a bisa con largo e operacion, yama “Southern Spear,” ta destina pa dura.

Potret: AFP PHOTO / US SOUTHERN COMMAND’S X ACCOUNT / HANDOUT.

Ta spera cu Trump lo ‘pone presion’ riba Xi tocante Iran

(AFP) – Presidente Mericano, Donald Trump, ta spera di pone presion riba presidente Chines, Xi Jinping tocante Iran na momento cu e bishita Beijing den proximo dianan, segun un oficial senior di su administracion a bisa ayera, mientras Trump ta busca un acuerdo pa termina cu e guerra den Medio Oriente.

Comercio, tarifa y inteligencia artificial (AI) tambe ta bay ta clave durante e bishita di diaranson te diabierna, durante cual Trump ta bay bishita e iconico Tempel di Shelo na Beijing, segun Cas Blanco.

“Mi lo spera cu e presidente



lo aplica presion” tocante Iran, e oficial a bisa reporteronan durante un yamada, agregando cu e lider Mericano a haci esaki den yamadan anterior cu su contraparti Chines.

E oficial a bisa cu Trump a trece dilanti ganashi pa China

for di Iran y Rusia mediante benta di petroleo “varios biha” cu Xi, como tambe benta di producto cu uso dobel militar-civil.

“Mi ta spera cu e combersacion ey lo continua,” e oficial a agrega.

Trump ta bay yega Beijing diaranson anochi pa e bishita, cual originalmente el a pospone na maart pa motibo di e guerra andando na Iran, sub-secretario principal di Prensa, Anna Kelly a bisa reporteronan.

Ta bay tin un ceremonia pa duna bon bini, y un reunion bilateral cu Xi diahuebs mainta, sigui pa un bishita na e Tempel di Shelo e mesun atardi y un banquet estatal den anochi, segun Kelly.

Trump y Xi ta bay tene un reunion bilateral y un lunch di trabao diabierna prome cu e lider Mericano bolbe Washington.

Kelly a bisa cu e bishita di

Trump ta bay ta enfoca riba “rebalansa e relacion cu China y duna prioridad na reciprocidad y husticia pa restaura independencia economico Mericano.”

“Esaki ta bay ta un bishita cu significado simbolico tremendo,” Kelly a bisa. “Pero claro, presidente Trump nunca ta biaha solamente pa simbolismo. Pueblo Mericano por spera cu e presidente ta bay logra mas bon deal den nomber di nos pais.”

Merca y China ta bay evalua extension di un tregua comercial di un aña largo cu e dos lider a acorda na october di aña pasa, pero tension ta keda halto tocante e tarifanan di Trump.

Ex-minister busca pa Polonia ta confirma cu el a huy pa Merca for di Hungria

(AFP) – Ex-minister di Husticia Polaco, Zbigniew Ziobro, busca pa varios cargo criminal na su pais di origen, a huy di Hungria pa Merca, el a confirma diadomingo despues di reportahenan den medianan di comunicacion local.

“Mi ta na Merca,” Ziobro a bisa noticiario derechista, Republika. “Mi a yega ayera, y esaki ta mi di tres biaha bi-ahando rond di e pais,” el a agrega.

Ziobro, kende a ricibi asilo di gobierno di su aliado derechista, Viktor Orban aña pasa, ta enfrenta hasta 25 aña di prison na Polonia si e keda condena di e cargonan den su contra.

Esakinan ta inclui abuso di poder, lidera un empresa criminal organisa, y usa fondonan destina pa victima di crimen pa cumpra spyware Israeli, Pegasus, supuestamente pa monitoria oponenten tenan politico.

Despues cu partido di Orban a sali di poder den un eleccion na april, e prome minister nobo di Hungria, Peter Magyar – kende a keda huramenta diasabra – a bisa cu Hungria no lo sigui protege hende busca na otro caminda. “Hungria no ta bay keda como un sitio pa benta criminalnan busca internacionalmente,” el a bisa periodistanan e dia despues di su victoria, nombrando como sospechosonan Ziobro y su ex-vice-minister, Marcin Romanowski, sospecha di malversa casi 40 milyon euro.

Noticiario Republika a reporta anteriormente diadomingo cu Ziobro tabata na Merca, mientras noticiario liberal TVN24 a publica un potret di Ziobro na Aeropuerto Internacional Newark Liberty, bisando cu otro biahero a saca e potret.

No ta cla con Ziobro a logra biaha pa Merca, ya cu Polonia anteriormente a bisa cu su documentonan di biahe – incluyendo su paspoortnan

Polaco y diplomatico – a keda revoca.

Polonia ta bay tuma contacto cu Merca

Actual minister di Husticia Polaco, Waldemar Zurek a skirbi riba X cu Polonia “ta bay tuma contacto cu Merca y Hungria cu pregunta tocante e base legal cu a permiti Zbigniew Ziobro... drenta Merca a pesar di no tin documento valido.”

“Nos no ta bay stop nos esfuersonan pa sigura cu e y Sr. Marcin Romanowski ta ser teni responsable dilanti sistema di husticia Polaco,” el a bisa.

Anteriormente, Zurek a bisa noticiario Polsat: “Si keda confirma cu Ziobro ta na Merca, e ora [Polonia] ta bay solicita su extradicion.”

Ziobro tabata lider di partido ultra-conservador Polonia Soberano, un partner junior den coalicion di partido nacionalista Ley y Husticia (PiS), y a sirbi como minis-



ter di Husticia y Procurador General entre 2015 y 2023. E tambe ta conoci como arkitecto di reforma hudicial contencioso cu a impulsa un enfrentamento entre Polonia y Comision Europeo.

Contestando Republika tocante su potencial extradicion, Ziobro a contesta: “Mi ta cla pa presenta dilanti cualkier corte, y un corte Merica-

no independiente sigur ta un corte independiente. Si nan kier inicia procedura di extradicion, dal bay,” el a agrega, yamando casonan di extradicion den cortenan Mericano “un procedura exigente.”

El a rechasa e cargonan den su contra, acusando e gobierno centrista Polaco di conduci un ‘witchhunt’ contra conservadornan.

Ucrania y Rusia ta reporta atake civil riba di dos dia di tregua


(AFP) – Ucrania y Rusia a acusa otro di varios atake contra civilnan diadomingo, e di dos dia di loke mester tabata un tregua di tres dia ordena pa presidente Mericano, Donald Trump.

Trump a anuncia e stop di combate diabierna, bisando cu e dos banda a bay di acuerdo pa stop tur guerra “kinetico” pa un periodo di tres dia cuminsando diasabra.

A pesar di un pausa den atake aereo, ambos banda a reporta multiple casualidad civil.

Atake Ruso riba oriente di Ucrania a herida al menos nueve persona, mientras atake Ucrainiano contra region fronteriso di Belgorod na Rusia a herida otro cuatro, oficialnan di ambos banda a bisa.

Den region Dnipropetrovsk den oriente di Ucrania, atake cu drone Ruso a herida un mucha muhe di tres aña y un trahador di rescate di 23 aña, segun gobernador di e region, Oleksandr Ganzha a bisa. “E trahadornan di rescate tabata na caminda pa e pueblo



di Myrivska pa asisti residentenan local na momento cu nan vehiculo di bombero y rescate a keda ataca pa un drone enemigo,” el a bisa.

Atake Ruso contra e region sur di Kherson a herida cuatro persona, incluyendo un hoben di 19 aña y un trahador di conseho di ciudad di 53 aña di edad, segun autoridadnan, mientras gobernador di

region bisiña Mykolaiv a reporta dos herido den un atake di drone contra un auto civil.

Un drone Ruso tambe a herida un homber den region sur di Zaporizhzhia, gobernador di e region a bisa.

Den region Ruso di Belgorod, atake Ucrainiano a herida cuatro persona incluyendo un guardia di frontera,

segun gobernador di e region, Vyacheslav Gladkov a bisa.

Ambos banda tambe a acusa otro di viola e acuerdo pa stop combate na e linea frontal.

Ministerio di Defensa Ruso diadomingo a acusa Ucrania di “16.071 violacion di acuerdo pa stop combate” durante un periodo di 24 ora, incluyendo miles di atake cu drone.

Presidente Ucrainiano, Volodymyr Zelensky mientras tanto a acusa Rusia di ehecuta operacion di atake riba campo di batalla. “Den linea frontal, ehercito Ruso no ta cumpliendo cu e acuerdo pa stop combate y no ta ni purbando,” el a bisa den su discurso di anochi.

Desde e invasion Ruso na 2022, e guerra na Ucrania a mata ciemiles di persona y a descende den e guerra mas mortal na Europa desde Segundo Guerra Mundial.

Negociacionnan media pa Merca pa termina cu e batalla a mostra tiki progreso desde februari, tempo cu Washington a cambia su enfoque pa e guerra na Iran.

Trump a anuncia diabierna cu e dos banda lo intercambia mil prisionero di guerra cada un, pero no tabata cla diadomingo na ki momento esaki lo materialisa.

“Nos ta spera e banda Mericano pa ta activo den sigura implementacion di e acuerdo aki,” Zelensky a bisa.